





10  
323A



門 九 五  
號 3537  
卷 10

重修揚州府志卷之十五

城池志

揚州府內外二城皆因宋大城築先時廣陵有城在蜀岡上相傳吳王濞始別築城於此嗣是爲江都國爲廣陵國又爲廣陵郡皆治此城晉時郡治移淮陰故城猶在南渡後還治廣陵太和四年桓温發徐兗二州民築廣陵城而居之宋竟陵王誕時又增築外城子城城益大其後自齊梁以迄陳隋城皆無異唐乾符六年高駢自鎮海節度使徙淮南節度副大使繕完城壘時有大城又有牙城南北十五里一百一十步東西七里三十





步楊行密據揚州改牙城南門曰天興楊溥僭號稱爲

都城南唐又號曰東都雖有增改不離舊址攷新唐書地理志江

都東十一里有雷塘又舊唐書王播傳云時揚州城內

官河水淺乃自城南開門西七里港開河向東屈曲取

禪智寺橋通舊官河所開長一十九里禪智寺在蜀岡

上則唐以前城在蜀岡雷塘之西明矣舊志謂今城卽

吳王濞城遺址未周顯德五年克揚州使韓令坤鎮之

故城西據蜀岡北抱雷陂以城大難守築故城東南隅

爲子城以治之後李重進鎮揚州復改築周十二里宋

高宗建炎元年九月命呂頤浩繕修城池二年十月命

揚州浚隍修城舊稱宋大城周二千二百八十丈蓋南

渡後所增修也紹興中郭棣知揚州以爲故城憑高臨

下四面險固李重進改卜今城相距二十里勢處卑溲

虜來襲瞰易在鼓掌請卽遺址建築與舊城南北對峙

中夾甬道疏兩濠緩急足以轉餉謂之大城乾道三年

五月修揚州城淳熙八年閏三月復修紹熙三年七月

又修嘉定間崔與之爲權發揚州事主管淮東安撫司

公事既至浚濠廣十有二丈深二丈西城濠勢低因疏

塘水以限戎馬開月河置釣橋州城與堡砦城不相屬

舊築夾土城往來爲易以饜寶祐三年賈似道爲兩淮

宣撫使築寶祐城於州城之北揚州乃有三城元至正

十七年明人取揚州令僉院張德林改宋大城築西南



隅守之周九里爲一千七百五十七丈五尺厚一丈五尺高倍之門五東曰寧海今日大東西曰通泗南曰安

江北曰鎮淮東南曰小東各有甕城樓櫓敵臺雉堞南北水門二引市河通於濠天順七年淫雨城坍塌七百

餘丈指揮李鎧營修嘉靖元年巡鹽御史秦越重修十八年巡鹽御史吳悌知府劉宗仁以北水門久廢塞浚

通之三十二年修維揚水關三十五年知府吳桂芳以倭變用副使何城舉人楊守誠之議請於上官接東郭

建外城卽宋大城之東南隅也工方興以遷去後守石茂華繼之起舊城東南角循運河而東折而北復折而

西至舊城東北角止約一十里爲一千五百四十一丈九尺高厚與舊城等今稱曰新城爲門七南曰挹江今日

鈔曰便門今日北曰拱宸今日曰廣儲初亦曰曰便門關曰東曰通濟今日曰利津今日門各有樓爲敵臺十

有二南北水門各一東南卽運河爲濠北築濠與舊城濠連注於運河三十六年因倭寇薄城下石茂華令商

民黃煥等於關外夜津橋下更造水關一重額曰通濟萬曆二十年知府吳秀浚西北城濠墾以石隄增城堞

三尺二十五年知府郭光知縣張寧復申發軍餉墾石濠隄未竟者四百餘丈增敵臺一十有六崇禎十一年



鹽法太監楊顯名自柴河口至寶帶河開濠長十餘里累土為城工未及成又委守備樊明英增修鈔關月城

國朝

順治四年江都縣知縣郭知遜重修十八年江都縣知縣熊明遂重修城牆臺鋪雍正四年江都縣知縣王元穉重修廣儲門城樓七年江都縣知縣陸朝璣重修鎮淮門城樓九年五月兩江總督尹繼善題請析縣奉

旨

允行遂以舊城府東分與甘泉府西分與江都新城自小東門外至缺口南歸江都北歸甘泉乾隆二年江都縣知縣五格甘泉縣知縣吳鶚峙領帑大修江都自缺口門交界處起歷徐寧門鈔關南門至西北門交界處止甘

泉自西北門交界處起歷天寧門廣儲門便益門東關至缺口門交界處止凡城樓敵臺雉堞內外週遭之垣牆俱各修葺完整鞏固異昔觀矣

宋理宗敕賈似道築寶祐城詔曰昔韓琦在秦州軍民附城而居無所捍禦築外城十里西賊憚之卿久護全淮向城寶祐城通州城東海外戶既綢繆矣今復增堡城以壯廣陵之勢朕披來圖包平山而瞰雷塘可以廣營屯便牧圍矣 崔與之重修城濠記守揚州登城臨眺形勢謂濠河湮隘寨裳可涉守禦非宜乃度遠近準高下程廣狹量深淺為圖請於朝許之河面濶十有六丈底殺其半深五分廣之一環繞三千五百四十一丈濠外餘三丈護以旱溝又外三丈積封土以限淋漓又廣地七丈以受土使與危堞不相陵復作甕城五門為月河總百七丈而南為裏河又八十七丈西北日堡砦城周九里十六步相去餘二里屬以夾城如蜂腰地所守左右尤淺隘浚之槩如州城濠計七百三十一丈且巽女牆以壯其勢外濠既深水勢趨下市河涸不可舟有警芻餉難為力又加深廣造輿梁五



經始於八年八月訖於九年九月工一百一十五萬四  
百二十五費朝家緡錢三十四萬八千七百五十六米  
石二萬一十八百四十七州家激犒為緡錢五萬一千  
六百節縮有千八百四十七章公私不以為病明崔桐修  
水關記揚州舊制市有城有關於南冷淮海之巨浸邗汴  
澗曲之支流咸會通焉河可以舟關可以守凡以為民  
也歲癸丑河南逆師干天紀甲寅倭夸亦寇我中夏揚  
郡守自湖吳大夫完城簡旅百屯豫筋檄江都某令曰  
關制故疎濶歲積且圯非所以利民用也蓋啓諸謀既而  
曰河久窒則日湮非所以利民用也蓋啓諸謀既而  
張君恒喬君基新闢以計久遠揚父老羣焉相告曰守  
憂吾民夙夜勤劬實懇懇矣何復以瑣役煩長上供事  
趨工責在吾民員外郎郝封君理謀諸光祿署丞坤曰  
父老之憂吾輩之憂也胡可以勞百姓會材募工責在  
吾輩於是封君首輸金五十義授卞兵哲曰諸君高誼  
正茂高生格各輸金五十義授卞兵哲曰諸君高誼  
哲所願也督植効勤益金以界有關是誠在哲於是裁  
其制俾隘可守券以石俾堅不磨牖以板俾閉可啓重  
其門俾險可恃翼以墻俾隙有補督倍益金二百有奇  
撤舊鼎新四關奕然郡守環而視之欣然有喜色於是  
官者私者車者蓄者負者肩者商者農者咸稱便督輩  
謂是役實利民捍害者不可以無紀也問碑事於史氏桐  
桐曰時有常變政有經權謀有遠近經以守權常以通  
變守而不變則其弊近變而能通則為利博是故今日  
之事寇不可虞時之變也閉關以守政之經也舍圯而  
改圖權可遠也役之變也觀上下之相親政則可知已士  
民之競勸風則可采也工之經始夏六月望告成則孟  
冬吉日翊哲以董作則衛知事俞滂在勞焉何城揚  
州新城記揚州外城成言言屹屹樓堞蔽虧囊括萬家  
襟帶漕河以為甚盛舉也先是倭寇弗靖騷動東南  
郡守吳公自湖用不敏議謂揚介兩郡之間四方舟車  
商賈之所萃生齒聚繁數倍於昔又運司餘鹽銀獨當  
天下賦稅之半而商人實居舊城之外無藩籬之限非  
捍衛計也置外城便時舉人楊守誠力贊其說遂請於  
撫院芹山陳公按院堯山吳公鹽院春洲崔公並下自  
湖計凡城丈合工與財當費銀二十九萬有奇通計銀  
四萬六千一百五十七兩括府藏止一萬六千兩有奇  
春洲公許借商鹽銀三萬兩足其費議始定芹山諸公  
並奏下工部覆奏認悉如請是為乙卯之冬適吳公有  
清源之命廟堂議以毅庵石公代初議城因淤河而瀕



河之地積為居民之所占胥動浮言以惑有位議者恒以奪民業難其事公始至即召外城之商民而諭之曰瀕河之地稽往牒則官地也是豈汝可得而盧舍者耶今為城當悉歸於官永建乃家眾咸應曰諾於是瀕河之盧舍一舉而皆撤基遂定又召商民而諭之曰城之築也財可取於官顧力安能不惜於民耶勞之所以衛汝也眾復應曰諾乃括商民之堪事者百八十八人俾任其役分地授工多寡惟稱其力先後緩急各臻於理商民亦各視工授之多寡或以領財於公以召工市甃而良工堅甃各自四方至遠或四五里甫就工四月五月遭倭寇亂民並求生不遑事六月寇始退外城蕭條百八十家多遭焚劫者公又為拊循而佐翼之於是商民奮庸無不奔走而就事以後為差逮十月而工成起舊城東南隅而東而北而西及舊城之東北隅止約一十里為一千五百四十一丈九尺中建為門者五便門者一樓稱是為水門者二敵臺十有二是役也經始於丙辰之二月至十月而迄工纔九閱月中經倭寇之變者三月計實止六月耳且令不煩而民弗擾百姓見城郭之完不知財之所自出見徒役之蟻集不聞徵調之自於何所也濟大事者古及今有如此之神速而莫

靜者耶蓋公本以濟世之才遠經權之理剛不吐柔不茹勞於求人而逸於治事得百八十八人則人各事其事何往而非公之事公特稽其勤惰而已此古聖無為之道也丁巳夏倭復犯揚州遙望外城巍然岸高池深遂不敢近城下相率而來者無不得所寇退各返其業今居民鱗次在前歲為灰燼者悉煥然為棟宇人物熙熙商賈猶復聚於市少者扶老羸壯者在戴負與夫美衣衍食之人猶復溢於途風晨月夕歌鼓管籥之聲猶復盈於耳絃歌誦習在鄉塾者無處不然與未遭寇亂時無異而余歲時復得從鄉社諸老席於賓筵之末聽鄉樂之歌飲獻酬之酒夜則頽然就寢無復移家之慮顧無城安有此樂耶夫樂相與議伐石屬余撰記以詔揚後情也揚卿大夫士咸相與議伐石屬余撰記以詔揚後之人使凡安於閭里得以樂生而送死者皆知我毅庵公之澤不可泯公諱茂華字君采號即毅庵山東益都縣人嘉靖甲辰科進士守揚善政種當紀此特就築城一事言之云若將毅庵公之命以宣布於下則有揚州衛經歷張時見江都縣主簿楊長春泰興縣主簿董邦教高郵衛知事王登皆與有勞焉故併紀其姓氏



案今江都甘泉爲附郭縣與府治同城舊志所引水經注及太平寰宇記之江都縣城乃江都舊城也甘泉所屬之廣陵縣城邗溝城輿縣城新城合瀆渠城周小城寶祐城夾城平山堂城皆入古蹟茲不復載瓜洲城在城南四十里江濱昔爲瓜洲村楊子江之沙磧也沙漸長狀如瓜字接連楊子江口民居其上自唐開元以後漸爲南北襟喉之處上元初劉展據廣陵設疑兵於瓜洲若趣北固者潛自上流濟襲取潤州明年平盧將田神功等討展軍於瓜洲濟江擊展敗之或謂之瓜埠洲亦曰瓜洲步唐末漸有城壘宋建炎二年金人寇淮南入陷天長軍自揚州馳騎至瓜洲步得小舟渡江至鎮江府紹興三十一年金亮南侵揚州陷劉錡畱屯於此以拒之旣而金人盛兵塞瓜洲口金亮亦引大軍至此居龜山寺金人旣却史浩議築城置守張浚謂棄淮而守江是以示弱也議遂阻乾道四年始築城置堡於此人號曰篋箕城德祐初元伯顏陷建康遣張宏範屯兵瓜洲宋軍水陸進攻不能奪一年元人劫少帝太后北去時李庭芝鎮揚州遣其將姜才夜擣瓜洲以邀帝后屢經兵燹城遂傾圮明嘉靖間因備倭寇復築今城城東西跨壩周一千五百四十三丈九尺高二丈



一尺厚半之城門四便門一各有警鋪敵臺雉堞水門水竇各三

儀徵縣城宋乾德二年陞迎鑿鎮爲建安軍始築土城

一千一百六十丈形如凸字爲門六東曰行春西曰延

豐南曰寧江北曰來遠及濟川通闡二門周迴凡五里

三十步一作十乾道四年守張郊因舊城修築之塞通

闢門五門各建樓櫓於上鑿濠深八尺廣且四之會南

河於江達北河於山開禧三年守林伯成始甃州城凡

五百二十六丈八尺鑿濠八百五丈深一丈七尺嘉定

元年守郭超因舊濠廣之濶十有八丈三年守潘友文

增築城身建樓櫓三十五屋八百十七五年守徐景重

加修甃鬣六百三十四丈二尺六年守李道傳以商民

居城南十倍城中請築東西翼城衛之會遷官未果八

年守豐有俊繼請築東城止九十二丈十一年守袁申

儒復請築西城一百四十八丈東城九十四丈建朝宗

門於河之南時東城未畢者尚十之四至十三年運判

兼守吳機始盡築東城一百九十餘丈西城十五丈爲

樓櫓十八屋二百十九接城築羊馬牆四百五十餘丈

於城西南築弩臺一高一丈五尺又以西翼城距江尚

遠鑿河爲限因土爲城約五百丈於河之左北接翼城



南抵江作護水曲臺於江滸寶慶元年守兼運判上官  
渙西復請改築西翼城三百二十丈直距潮河城門一  
砲臺四馬面三樓櫓八屋一百五十一開濠河三百四  
丈五尺爲石壩限潮築羊馬牆三百四丈接築東翼城  
九十三丈亦距潮河城門一砲臺一樓櫓四屋六十三  
跨運河爲水門建樓其上浚舊濠展其南一百一十一  
丈五尺又爲木牖以限運河而兩翼形始備明洪武初  
知州榮世貞同知戈文德因宋翼城故址重築今城凡  
九里十三步有奇爲堞三千六百二十有奇高二丈四  
尺頂濶五尺五寸爲東西南北四門各以方名東南各  
爲水門一以通外河獨北門有月城在重濠內建城樓  
四於各門之上戍鋪四十有二今鼓樓中路則建安軍  
寧江門也重浚舊濠自南門至西門濶三十二丈深五  
尺其水冬竭自西門至北門濶四十五丈深七尺自北  
門至東門濶三十六丈深六尺自東門至南門濶四十  
五丈深一丈其水四時常盈獨西濠通江正德中城西  
濠漸涸守備都指揮馬昺同知孫璽知縣李文澣浚之  
嘉靖三十五年倭寇江淮知縣師儒建東西南三門月  
城每門甃甃二十七丈有奇高準舊城爲步三百睥睨  
四合下關重門三十七年知縣張鳴瑞議築外城包括



廂河未果乃建敵臺於縣東響水廂上高二丈二尺橫十八丈規制如城上建敵樓三間下爲郭門俗名攬軍樓四十五年知縣申嘉瑞每門表樹以扁東曰見海西曰望都南曰澄江北曰拱辰萬厯四十五年知縣施時堽奉檄修城增高三尺改凸字城堞爲平堞崇禎八年知縣姜琛勅敵臺於胥浦橋北周圍堞口一如城制高一丈五尺深三尺壘石爲基臺上建房三楹扁曰吞長銜遠九年復濬濠一千六百餘丈濶十丈深二丈十五年知縣鄭瑜修城牆增設砲臺六座

國

朝順治十一年知縣牟文龍重修四門城樓牆有漸圯

者皆新之康熙五年知縣胡崇倫修城牆三百餘丈并命僧如秀葺敵樓三楹五十三年知縣袁斯恭重修城牆及四門城樓六十年知縣李昭治修築城垣之倒塌者六百餘丈雍正十三年汾水王重重葺敵臺扁曰山高水長乾隆十五年監掣同知李暉增甃城堞城牆樓仍復舊二十年知縣戴秉瑛修補城之傾塌者若干丈並四城樓復手書肇春漸暉澄江拱宸四額二十七年知縣耿人鳳修城垣並南水關牆

宋乾道四年修城記  
乾道四年冬十月垣

辛亥真州新城成於是大府丞張郊出守者二年矣政久而孚百廢具新惟城大事也故以請於朝詔可而後舉蓋四十有四日而畢以書走建康俾某記之某爲之敬誦明天子所以幸江淮者而書侯之勞以告後之人



自國家南巡狩兩淮之亂最酷且久維時重兵分控要  
害其廢尤甚賴天子仁聖休兵息民乃始因其餘力議  
城廣陵城高郵又城歷陽而侯復能體上之意以為金  
湯無窮之固可謂盛矣考其慮事賜錢纔三萬緡益以  
郡歲入僅登十萬米為斛三千募民之力三千六百而  
止匪其心計無遺策而與民同甘苦惡能簡且速如是  
哉侯且代而朝矣必有深長之策以復於上不特告成  
事而已故樂為侯道之開禧三年樞密院劄子真州  
為淮南要衝江浙之襟喉鎮江建康之唇齒北至盱眙  
淮河二百四十里徑路廣潤並無山川險阻舊城盡皆  
頽倒遂至鹵騎侵犯今既修築須為山川險阻舊城盡  
如瓜洲作簸箕城須是四面皆築城方可拒敵一項真  
州舊城多白沙不實須是取北山黃土夾築劄付樞密  
行府准備差遣袁承事前去真州同林知郡詳所陳事  
理從長相度申詳 林伯成申文先修舊城四圍即是  
用開濠之土今經四十年城之裏壁不會用磚其土亦  
自堅實只緣城壁卑狹牛羊踐人跡往來是以頽圯  
今當責到濠砦孟汝等狀謂日今之土勝如揚州築城  
之土可以經久若欲取土於北山去城隔遠運土為難

費用不貲工役難辦 嘉定六年李道傳申文淮東陸  
權自滁州取六合自盱眙取天長兩路會於真州兩晝  
夜可到既到真州四十里可渡鎮江六十里可渡建康  
實為陸路要衝城內居民比城外僅十分之一自轉運  
司以及富商大賈之家交易繁會之處皆在城南前人  
嘗欲築兩翼城但費大非倉卒可成道傳當先立規模  
使後來可繼欲從朝廷借會子十六餘萬貫付本州作  
本以其利息充版築之費磨以歲月漸見次第所有城  
磚且從本州增窑燒辦一二年後版築稍成磚數亦積  
後來者為之不輟不患不成道傳若不罪去二三年間  
決可償足若歲間得罪去官則不問日月久近但朝廷  
欲取本錢即當起發申解或朝廷欲付之後守亦整齊  
足數聽候詳酌施行准借交會共五萬貫付真州本營  
辦 嘉定三年李道傳申文照得州城狹窄所以前任  
嘗議增築包裏東南兩廂闔闔數千家於新城之內然  
累政守臣莫敢申其說者工役不小有賦殷廣朝廷科  
降或艱未免添貼州郡分外責任徒爾自勞規模有緒  
則後人享成終之名工役中輟則一身受罔功之責所  
以因循掣肘經歷數年民間見其久不興工因遂蓋造  
屋宇於所標基地之內今聞有意增築未觀保守之利



先有遷徙之勞紛紛多言勢所不免然考究其實雖妨  
 民戶不少其不悅者則無幾人小民僦居初無利害間  
 有自造發屋其值幾何近者包砌州城亦有民屋妨礙  
 道傳先期告諭使之撤退量費支給莫不忻然惟是富  
 豪或作廊房未免以為不便然而域民固圍事體至重  
 設使遷一家而保十家尚當為之何況所保豈特十倍  
 而已今私計沮議大槩不過數端或以工役重大為言  
 者道傳竊謂築城夫役固不可迫積日累月自見成功  
 或以土色不美為言者道傳竊謂淮東諸州土色相類  
 初不以土色不美為言者道傳竊謂淮東諸州土色相類  
 當擇而用之或以勞動民力為言者然土色又各不等固  
 他郡開掘築砌盡用軍人官窑燒磚官船載運卻非科  
 役之比或以城大難守為言者然新東西五百餘丈況州  
 面濶狹正同其實守禦之處止增東西兩面與州城南  
 城本狹雖兼新地不必過慮為言者或自來民戶緩急  
 敵至未嘗久留不必過慮為言者或自來民戶緩急  
 但保沙上不賴城郭為言者此則昧陋之論不足多辨  
 就此數說之中惟工役重大一說誠不可忽然道傳前  
 來所申固不敢謂任內可以了畢今日會計材料措置  
 工程且俟年歲之間材料既積工程有準然後可議與  
 責於近效庶幾財不傷人無虛擾伏乞朝廷詳酌而  
 行緩急與無城同近蒙朝廷責令計料興築翼城此其  
 有緩急與無城同近蒙朝廷責令計料興築翼城此其  
 括之形勝莫若南至潮河為準由北山至嶽廟後循  
 古濠回環繞周流貫通廣濶深濶與潮河等開掘深  
 濶通為一大河以濠土積於裏岸大濠既成土城亦就  
 御於土城之上密種榆柳若蒙採擇割下轉運司並真  
 州作急用工以備緩急大濠既成土城亦就御於土城之  
 掘坎坑遍穴地網多植榆柳若蒙採擇割下轉運司並真  
 死一生之地除已割下淮東轉運使外並圖本今割付  
 真州豐州知州照所陳事理從實相度措置限十日具  
 申樞密院嘉定十一年袁申儒條陳翼城限十日具  
 也邊聲少急民悉奔逃手攜箱篋各遭標掠老稚相失  
 離散無歸今翼城成則外豪內城民有依恃不復奔竄  
 一也民既逃徙室廬盡焚事定來歸重費蓋造今翼城  
 成則賊不易入民廬不復毀蕩二也民不盡奔竄  
 上臨江爭舟幼弱者率皆溺死今翼城成則民不奔竄







插河南元料城基七十丈地脈沮洳難杵築就鑿成長  
河八丈濶三十丈深一丈五尺透江水以爲限截又  
於河岸作城門以隔內外有合築翼城三百二十丈未  
辦及開浚東河三百丈爲濠費又在在外今欲望朝廷就  
於計收本州賣鈔庫內撥借官會五萬貫令本州請買  
鹽鈔支鹽運息以供築城包砌之用本州卻另項置庫  
拘權取支將本錢重疊摺運所有將來開河工役及樓  
櫓與羊馬牆與防城器具事務皆可取辦於此候圖備  
了日將本錢還歸朝廷申儒雖以罪戾一朝罷去而規  
模已定利源有常後之來者遵守而行環堵遂爲堅城  
保此一方便孫德興新築兩翼城記南北分  
裂九十餘年皇帝天地之量以爲上策莫如自治爰飭  
有司足兵食儲戎器以戒不虞又謂金城湯池能因地  
以設險吾固自固然後入守出攻無往不可惟昔高宗  
孝宗輯寧我邦家凡沿邊雉堞襄廬揚楚既崇既峙式  
遏寇虐已效可燭繼志述事庀王度財數年之間圮者  
固之而安豐安慶等城皆歸然一新矣儀真介在江濱  
往時寇入蕩析離居嘉定七年廷臣奏言築兩翼城從  
民志也上亟命漕臣守臣經其事先時潘友文既時新  
城五里三十步饑饉之餘力未暇任其後李道傳屢以  
爲言又謂城外濶計鹽策衙廳列肆般般轉輸孰與憑  
依明年朝廷議浚古城河大濠既環土城亦就又明年  
豐有俊於東北隅浚河一百九丈四尺爲土城九十一  
丈八尺東翼城昉乎此矣而異議者沮格之又明年洪  
德方信孺相繼以翼城爲請十一年詔用朝散郎將作  
監袁申儒守儀至則體廟堂命保障之意列庶士之  
請以告於朝且自陳便宜十二事所以先事爲緩急慮  
者懇到明白區畫既定賦役有經鑿河畚土操杵就築  
西翼城始於冬十月以二十二旬有奇而濠東翼城始  
於明年春正月以二十一旬有奇而爲土城一百九十  
有四丈南浸於潮河城自北而東東浸於濠其地未築  
者一版築即鑿大河八丈而守條去牖河之南沮洳之  
任版築即鑿大河八丈而守條去牖河之南沮洳之地不  
城東濠北濠之水深不盈丈則浚以倍之旁爲城爲門  
有二丈濠浦之西茅山之後銅山之巷皆防道也則築  
茅山塘爲隄九十有五丈濬水設暗伏以接北山塘之  
所不浸是春二月金兵肆掠淮甸馳騎而來將趨闡  
縱火迫翼城睥睨猶豫不敢前民悉安堵守日吾誠願與爾  
人遮道而告日翼城未畢去何亟耶守日吾誠願與爾



百姓共臻厥成顧有不容自安者將有賢太守至必說其餘吾載於碑其時協濟以成翼城者通判汪敏中尤畢董役者戎官周旺武必克閱工數者楊子令王懌出納錢糧者判官趙冲飛支鹽倉張文之幹辦錢糧事務者郡人御前酒正王叔寬前攝歷陽尉汪文中前攝淮東節制司屬官吳永錫若夫翼城本末則有豐碑在郡志邦人復求記以紀朝廷備邊保民之政使後有所訂據採擇焉嘉定庚辰月正元日壬辰記 嘉定十三年薛洪記儀真依江為郡談者以比內地然考其地里自安周取天長六合之間距淮二百四十里而近蓋名若與內地比而實則蔽京口護維揚東淮之襟喉也紹興辛巳敵寇儀真直至城下越開禧丙寅再至是時偃武既久壁壘頽廢民不知戰惴惴遁匿若墜若覆於是講備禦之策飭守臣因舊址築而新之增卑而崇易圯而固環之千九百有五丈是為內城顧自城至江曠不相屬而闢閬駢比實為內城之南籬此翼城之議所由起而潘公友李文公道傳豐公有俊洪公德方公信孺五公一心是究是圖然始惑於八不可之說中沮於一箭莫能及之議發言盈庭迄靡定嚮至袁公申儒議始決募巨室出東助縣官築西翼城役雖就而去江尚遠東翼城未築者且半而袁公適去上益念茲役之大苟繼其後者搖於異議則無所恃賴猶目前也刊印擇才瞻咨在廷於是寺丞吳公兼麾節而鎮臨之公始至周視形勢謂僚屬曰儀真以水為國凡備禦之固吾圍利者民者其敢不力矧翼城之役土功方半而陶人梓人之未備者猶十九其敢不續度緩急視先後畢東城之未築接西城之不屬於江鑿河貫之而營壘其上於河之左如河之數以爲障枕江發曲臺衛波濤之下上俾勿壞又於西城之外鑿重濠與舊濠為二其長視翼城之數壘以弩臺繚以周垣透迤遮蔽莫測其內因舊圖新為壘十有一以瀦諸濠之外兩翼相望築之登登削之繩繩發之鱗鱗睨列焉樓棚設焉堞雉環瀛瓠戩布覆人有恃心而其居始固於是經畫兩翼之所不周自東迤北循內城而西折而南嚮入於潮河鑿巨濠廣二百里長一萬四五百丈如蛟蟠虹臥兩濠之間積土為襄城長與巨濠等高減內城三之一如虎據之屏障矣合襟喉之地於是險踰金湯屹然京口維揚之屏障焉取於朝不知磨奸欺如水導源計所入以賦功不亟不徐如



泉之流公嘗曰知日計月計歲計之說而財裕矣此公  
 阜財之本也先是袁公以翼城之役請於朝給降緡錢  
 五萬俾郡權其贏以取給然所入僅如縷由今觀之厥  
 費倍徙設使屑屑關於朝其能有成如今所觀哉郡之  
 耄倪樂其成而荷公之野母為苟且以儲其稼淵淵其  
 為籩簞以永其居耕之功時惟吳公洪生以長是邦肄  
 泉崇崇其壙伊誰樂業之功可冀也公不固陋辭輒書  
 校今而後知安慶元年劉宰記寶慶元年固陋辭輒書  
 其語為之記實慶元年劉宰記寶慶元年固陋辭輒書  
 發遣真州兼權淮東運判官渙西言於朝真北奉郎  
 道平如砥南俯大江蓋淮南一都會固應設險用泰利  
 之所必出民物之盛為淮南一都會固應設險用泰利  
 虞而城下濱江民多去城以逐利故異時疆場小警即  
 鳥獸散比歲增兩城如左翼一時幸役之省曾不謀  
 長西城倚西南之偏曠不可守東城臨湖牖之上險不  
 足恃有三面之無以禦一朝之患西實寒心焉夫  
 州家使者俱為一體而事權一分則不相願及渙西  
 承乏其改築西城而更增東城之長使朝延命之報日  
 於事為便而役大費廣懼不取諸兵之坐食與民之  
 願者而不及於農既規畫畧定乃屬其事於漕若州  
 者而不及於農既規畫畧定乃屬其事於漕若州  
 之屬使均其稍食稽其功緒受其要會屬其事於漕若州  
 之長若式使因地之崇卑而致其力視役之難易而課  
 其功以式法授財用之崇卑而致其力視役之難易而課  
 年十有一月已未開濠越明年二月丁未築城明年四  
 月城成西城舊長四百七十有八丈今增五之一三百  
 二十丈東城舊長四百七十有八丈今增五之一三百  
 為幹非徒積土以為高鑿石為址非徒累磚以為固濠  
 截廢為斷乎城廣十有五丈深十之一舊濠河為東城  
 而東出跨之為水門冠之使折而南入於湖牖之上又折  
 帆浪船皆會於几席之下東之波光野色皆浮於樽  
 組之間版築之工登濠之上為堰是以止水為橋以絕水  
 以伺敵砲臺以斃敵濠之外為堰是以止水為橋以絕水  
 潮河之南又培土城濠之外為堰是以止水為橋以絕水  
 七千六百七十有奇而未嘗勺合斂之民錢以石計二萬  
 十六萬三千六百七十有奇而未嘗勺合斂之民錢以石計二萬  
 父老驚嗟以為期月之間而形勢未嘗毫忽請之朝既成  
 小人向也鷗鷺與之鄰而今也金湯以為固向也蘧廬



以幸一日之安今也棟宇以為子孫之計侯之賜宏矣  
 是鳥可無紀明嘉靖三十五年尹臺記儀真東南偏  
 邑然其地據江淮之會近接吳楚遠極蜀黔水浮陸走  
 貢筐漕艘貨賈離商所通屬竹箭木材麻絲布綺粟  
 器殖所轉輸東西際萬里寸產尺供輻集京師莫不於  
 是焉達之故縣上下僅一水凡繞折不數里間津梁市  
 巷鱗合櫛比掣輓諾呼朝昏不絕卽名都巨鎮其盛鮮  
 或過之頃自倭夸入訶噬毒江淮二任事之臣相與  
 籌計咸曰儀真弱小縣耳乃富完獨為鳥夸所窺慕必  
 得健令往治庶其銷奸萌而杜狡窺哉遂合請於銓司  
 於是今蒲坂師君儒自樂城而杜狡窺哉遂合請於銓司  
 數萬家顧城不及其什之二三今欲民舍外業而聚城  
 守垣弗飭門則樓俾可制禦人孰有固心夫城則巖矣而  
 雉垣弗飭門則樓俾可制禦人孰有固心夫城則巖矣而  
 畏而思徙也然起視吾邑公私罄懸苟彊令佐財役是  
 欲安之而先反重厲之爾乃訊驪商之寓集於邑者得  
 汪燦吳宗浩輩各捐為助得金四千有奇以鳩工率力  
 時土石甃鐵之具咸足用乃諷日興築工無怠役人不  
 告憊而城之月且堞者岌如矣於是指揮王君植以余  
 無患之先則為功績以未久夫天不備興之務修之於  
 以無患而安怠及有患又不暇行此難易常相戾事之  
 所以迄無成也易稱君子思患預防此難易常相戾事之  
 以今天下幸無事而忘其有患者豈獨一儀真哉患至  
 不為之所因隙其成功延歲歷世相襲不知戒又豈獨  
 一月城然哉師君當兵與民匱之時猝舉數百年既隳  
 之功不煩程督而就可謂易人之所難矣今倭夸再犯  
 江北抄掠楊子橋而西距儀真不幾十里乃獨不取  
 邇凡以師君之能思患而防也夫商隸於離司非縣令  
 所可制者師君一召勸而人樂於趨事不怠此豈政令  
 徵發期會之所能及哉崇禎八年姜採勦敵臺記崇  
 禎乙亥歲正月丁亥真邑新建敵臺成爰紀厥事用垂  
 永世蓋自正月中旬間流賊輒寇中都驚及陵寢無日  
 不潰且懼真邑陪京門戶漕艘輒咽喉設防制勝豈可無  
 具幸逢兵憲鄭公傲行備禦敢不奉令惟謹竊念不防  
 外何以守內城東有敵臺故址北有元帝岡南有長江  
 而西則無險可恃於是議建敵臺以遏西時鹵騎西來  
 東敵臺遺制夫邑有創造大事也遂具文詳道可其議  
 而後決計定方位於胥浦橋之北舊志宋紹興間大  
 將劉錡曾提重兵以扼淮之東西時鹵騎西來有偏將



三人據浦斷橋能以一身之危易百萬生靈之安謂胥  
浦非一邑之保障不可也八月十六日經始至十月十  
五日臺成請名於鄭公題曰攬勝收一邑之形勝於臺  
中樹五千秋之雄勝於境外勝之時義大矣哉  
康熙五十年陳光表記嘗讀春秋城邢城郟城郎國朝  
不絕書而詩稱城韓城朔方至以公侯宗子為喻益城  
所以奠吾民而固吾圉者也可不為計長久哉吾儀自  
宋大中祥符間以軍為州而城始立至今開禧嘉定間乃  
廓而大之歷明至今亦屢修而屢圯矣今西蜀袁公來  
令吾邑一日登陴以望雉堞崩鬱麗譙傾毀公慨然太  
息謂今雖海宇治平偃羽銷燧而思患預防之道不可  
不講於是聚財鳩工刻期從事雉歸如四樓翠如堅完  
崇其址竣工之後環城周視百雉歸如四樓翠如堅完  
緻密稅之改舊觀竊惟今之司民社者類勤敏於文書訟  
獄賦稅之求其務知大體不數數觀也我公清廉不  
擾其慈愛吾民不愧前史循良之治茲修城之舉邑之  
父老子弟尤歡呼而稱道之假令公由是而推修廢舉  
隆為吾民計長久豈區區吏事所能及哉  
年李昭治記按城周九里十三步有奇堞三干六百二  
十有奇高二丈四尺東西南北四門城樓四有東門南  
西日漸輝南日澄江北日拱辰成舖四有東門南  
有月城各周二丈七尺有奇東南西南各一外濠周如  
城數自南門至西門濶三十六丈東門至南門濶四十五  
丈北門內濠亦周如城乃城既半塌余來儀五年木石  
博土之工歲歲從事幸今年完好而內濠淤塞滋久亦守  
士者之責也 乾隆十五年李暉修敵臺記嘗考志乘  
真州有敵臺二一在縣東響水橋樓為明嘉靖間縣令  
楹奉祀關帝下為郭門俗名撫軍樓為明嘉靖間縣令  
張君鳴瑞所建一在胥浦橋北則崇禎八年邑令姜君  
塚所繼翺以過西路之衝今西臺傾廢已委荒榛而茲  
臺巍然獨存與長江高岡竝峙不朽謂非真之魯靈光  
乎余分任巵政來茲三年恒過其下漸見頽剝今時逢  
聖世海宇昇平然禦備之地亦未可聽其毀敗爰加  
整頓頽者直之缺者補之色湮剝落者丹  
聖之還其舊規以爲一邑之保障焉耳

高郵州有新舊二城今之城即宋舊城也周圍一十里  
三百一十六步高二丈五尺面濶一丈五尺繞城有濠



塹南自琵琶牖涵洞東北行至傅公橋北自通湖橋引  
河與北水關市河合流向東至傅公橋滙入運鹽河西  
臨運河爲濠州地四圍皆下城基獨高狀如覆孟故曰  
孟城宋開寶四年知軍事高凝祐始築紹興初韓世忠  
命郡守董收營繕之乾道間郡守陳敏重修淳熙乙巳  
郡守范嗣蠡建樓於四門上東武寧門樓曰捍海西建  
義門樓曰通泗南望雲門樓曰藩江北制勝門樓曰屏  
淮又於南北開二水門通市河慶元三年郡守趙善義  
重修水門開禧三年增重濠嘉定七年置四面庫城元  
末知府李齊因宋城重修治之明洪武時案洪武元年  
戊申舊志作  
丙午當謂  
今姑闕復巖發以磚增修櫓堞舖舍及南北水關嘉  
靖時圯丙辰倭警知州趙河補治庠缺後知州劉峻申  
請撫按州修其七衛修其三城益固

**國**朝順治十五年知州吳之俊葺治四門城樓雍正二年  
知州張德盛捐俸倡民大修城垣廢缺乾隆九年知州  
許松佶修理更四城門樓之名東曰挹春西曰寧波南  
曰朝陽北曰迎恩後知州李洵德重修四十三年知州  
楊宜崙浚城外琵琶牖迤東濠河一道通湖橋迤東濠  
河一道嘉慶十三年知州蕭瑾倡捐重浚城內市河署  
知州陳觀國續浚之並浚南北濯衣河十四年知州馮



馨又開新河使與兩河接連滙歸東門城濠由城北注  
入水關其新城在北門外宋咸淳初揚州制置使畢侯

築今廢土城基址尚存宋慶元三年徐元德重修水門

北水道之要衝也今茲水雖非故道而其為要衝自若

也其北水門歲久將墮慶元丁巳天水趙侯來守仰願

而歎曰是安得坐視哉使命漕司之往來而運輸之亟

赴期會者絡繹於此猝遇摧頽孰任其咎乃慨然躬為

儉約括吏之隱搜用之贏銖積寸累明年屯請於樞庭

與部使築起而更新之門成走書以告元德曰高郵事

力單寡始吾之欲為此門也稍自難之既而財用取於

賦之贏寡人力資於募之眾董督經營藉於官之屬材植

物料載於江之南幸而獲成其高深若廣加於舊者十

之二其石甃若望堅於舊者亦如之糜錢六百七十萬

三千有奇費日自五月戊申至七月癸亥而畢子盍為

我記之元德惟所在興役間有築一亭繫一沼偷簿書

之餘以規頃刻耳目之樂人或易舉至城濠濠墾固多

而忘為民經久之意耶蓋事稍涉於費者其動實難否

則天時之不利也否則人心之不齊也又否則材植工

料之不齊也一異足以沮百為今趙侯之為此門也其役

雖未為大亦非甚小小也財而官不見其費農隙而

民不見其擾而又待其屬為之奔走竭力亟即其功而

不至於稽合數者之便故其成人安而樂之此豈苟

然哉要必有協於天時當於人情而通於政事所以取

信於其先者其來遠矣是安得不書以告來者

北交衢古駐節之地也有城數百雉形厚而趾崇稽之

舊籍一郡之勝云子泄事之初凭輿四眺則頽垣廢堞

累累相望也而東北之隅幾缺其半障以外可躡而登

焉不知今何以異於古所云也父老為余言曰郵地窪

真多易州守志

卷之十五

城池

子



舉乃創詢謀於同募力於眾積財致用其有不足則捐俸以繼之既而揆日引繩鳩徒命匠始於西偏迤邐而北而南竣事於東其內之壘土加築縮版以載者十有二三其外之甃甃填灰壁立直上者十有四五其女牆之槩復其舊者亦如之始甲辰三月閱數月而工畢余蒞事之暇憑高瞻眺見崇墉四圍碧草如繡巍巍數仞以宏以新想當年高監軍之所經始韓蕘王董大夫之所增治其規模之大思意之精後之人固萬萬弗敢望而以視頽垣廢堞彌望荒墟之日不可同年語矣郵介揚楚之間四方舟車賓客取道而至相與矚目層城非特斯民之屏障抑亦一邑之巨觀也夫周禮營治城郭量人掌之左氏述先王之教曰清風至而修城郭宮室藩籬之蔽自古重之有舉無廢寧不為司土者之責歟然而為民經久之事苟涉於費其動實艱予獨際夫朝廷聖明太平瑞應上之人休養生息民物滋豐偕我邦人鼓舞趨事余董率其間得藉手以告成功使數十年之廢墜於今煥然改觀其可慶幸豈僅一時稱盛而已哉是為記

案輿地紀勝引元和郡縣志云高郵縣是秦之高郵亭太平寰宇記隋大業中移於樊良鎮至永徽二年復舊所則開寶四年所築之城仍舊址而築非別創也

興化縣城宋寶慶元年知縣陳垓築初為土城周六里一百五十七步高二丈五尺城樓四座窩舖二十有一水陸各四門元季張士誠偽將劉傑據守後全城歸附明洪武五年守禦千戶郭德蔡德劉人傑更建甃甃高一丈八尺內外環水為濠正統間千戶許翀復修嘉靖十七年知縣傅珮於北城元武故址築臺名曰拱極鑿玉帶河匯三門之水於海子池三十六年城圯臺亦壞



西北崇不踰丈濠塹湮塞其夏有倭警知縣胡順華率民捍衛寇退乃請於上官築城壘土發以甓高加舊墉一丈為二丈八尺厚四丈女牆高二尺五寸凡一千八百六十睥睨亦如之高有三尺闕四門崇四樓東啟元門樓曰觀海西威武門樓曰見山南文明門樓曰懷薰北肇魁門樓曰仰宸水關四窩舖二十卽拱極臺故址仍建臺濬濠廣二丈五尺深一丈萬厯二十六年知縣翁汝進又因倭警培土加厚設石闌於水關以防水患

**國朝**順治十二年知縣任登級繕修城樓雉堞康熙二十

三年知縣張可立開市河五十二年知縣盛宏邃倡眾重修城垣乾隆二十一年知縣白鍾麟再修

極臺碑記維揚據淮海上游領東南財賦以北海輪於漕蓋國家咽喉地也越自海倭弗戢寇我南土沿海郡邑遂為繹騷維揚以東且日益報警矣歲丁巳武陵胡侯以進士來令興化與化為揚郡首邑距海不二百里寇可且發夕至時南北通泰鹽城先後被兵羽檄旁午侯臨之歎曰寇勢如此興無完城雖有河北忠勇將安所用禦哉乃召鄉父老定為城守久計上其議皆曰可侯遂盡力經畫凡得境中尚義者若干人相與謀度計舊城踴塌土壘不可恃亟為增置易卑以崇易圯以堅嚴啓閉局關更壞壞以磚石為諸所取給不官帑不編民公庭力贖之外惟民義輸爾已不踰月功用告成侯臨其誰與守哉乃又跡舊城如此使民不知義雖金湯險固將隆溝之礮其下以石而洞其中覆其上以宇而軒其外示有望也仍扁其名為拱極又所以示有思也侯之慮益周且備矣臺既成邑之人或詣余次第其說且求所以為拱極之義予曰嘻侯之所以警於有位所以教示民者豈其微哉夫極在天為樞星為繁星之所旋向世



儒舉以象君位焉蓋以君道比天道也拱極云者固所以尊朝廷明有君也揭此以示俾凡莅官於興者宣德布惠無背此極以率諸民俾民之有懷者皆知所以歸諸維皇之極居常則出粟米絲麻以給其公上有事則修戈矛執旌刃相與捍一方之保障而不恤其私是則拱極之義也大義明於上人心固於下將使江淮之地人人自固維揚扼要且賴以無患矣然則斯城與臺固獨爲守興化拒海倭爾乎是則侯所以教示斯民之深意也問者曰我侯德惠在人耳目政績在臺司章疏其成城治邑約已愛民之道在鄉士大夫城祠碑紀中至拱極之義乃見諸今說不可無傳也請貽此以爲之記

案興化縣地海陵縣之昭陽鎮也楊吳時置興化縣始築城於此又舊志云興化縣城宋嘉定十八年知縣陳垓築張可立康熙興化縣志以嘉定無十八年遂改爲十七年考陳垓所作滄浪清風記云十七年建學明年築城明年寶慶元年也則張作十七年非是今改正之

寶應縣城宋嘉定間知縣賈涉始築役興以憂去旣而金人犯光州起涉竟前役淳祐十三年李庭芝重修尚爲土城元至正十年僉院蕭成乃易以甃城周九里三十步廣二里二百六十步袤三里二百九十五步東南北設門三水門三規制頗大明太祖定淮地淮陰侯華中移之淮安遂無城嘉靖三十四年倭內犯知縣廖言請重建不果行三十五年詔興工勦造命同知唐維董其役築土城未竟三十六年五月倭突至廬舍悉燬巡



撫都御史王誥築城建四門三十七年知縣蔣遵正請加甃防倭再犯巡撫都御史李遂以屬副使劉景韶八閱月工竣城周一千四十餘丈高二丈睥睨高五尺置門五東曰賓曦西曰利成南曰嚮明北曰斗拱一曰小東門南北涵洞各一東水關一敵臺八工甫畢倭果復至不敢犯而去萬厯間知縣韓介塞小東門開小南門名之曰迎秀崇禎九年知縣劉達塞東北隅水關移於東門名之曰利涉

國朝康熙七年地震城東南毀數處知縣孫蕙修築二十

七年北城樓圯知縣徐隴重建雍正九年知縣李松泰繕修城垣

案寶應本唐倉州地古之安宜縣也安宜城在今縣西南寶應改於唐上元三年而舊志云此城宋嘉定間賈涉始築豈涉未築城以前寶應尚仍安宜舊治耶

泰州城自南唐昇元元年陞海陵縣爲泰州以褚仁規爲刺史築羅城周二十五里濠廣一丈二尺周顯德五年詔州刺史荆罕儒爲團練使營州治增子城於東北隅更築城自子城西北至西東南至南合西南舊城周十里一十六步皆甃高子城一尺而厚如之今城是也



再修揚州府志 卷之十五  
宋建炎中通判馬尚增修盡巽其外爲四門城高三丈二尺趾二丈面三之一廣濠至五丈深一丈四尺城之南又增一濠紹興辛巳完顏亮寇州城廢開禧丙寅權守趙逢始修築守翁潏何郊繼之六七年間纔巽二里餘朝以委提舉茶鹽事施宿工竣視舊增五之一寶慶丁亥守陳垓剗開東西北外濠浚南濠通十四里面二十四丈深一丈五尺端平後守趙汝擢增治城濠未竟守許堪繼之四角爲月河深廣皆倍於舊又別於湖蕩沮泖中創堡城去城五里謂之新城提刑丁公提舉邱岳制置司趙葵實主之淳祐元年虜哨突至以濠深不敢嚮而覘堡城乃命守趙玘夫修城浚濠益嚴備禦工未竟虜襲通州或謂海陵難守議改築未果三年命都統王安來仍舊修浚使提舉提刑惠孔時董其事後何舜臣復增月城四門濠池擁路及圃子外濠岸使周圍相通元至正十三年州民張士誠爲亂公私房舍燬爲瓦礫官民潰散舊有堡城修築據守明洪武乙巳僞官副樞夏思恭院判張世俊竊議修葺舊城方興工徐達兵自大江口挑河十五里通口岸直抵州之南門灣常遇春率馬步兵從揚州陸路同日至士誠退保新城大軍入舊城屯駐遇春遂東築海安鎮城屯兵絕通州糧



道十月士誠兵敗遂平新城復於舊城修築畱兵鎮守  
 繼而建設州治及守禦千戶所而新城及海安城俱廢  
 城周圍二千三丈二尺計一十二里四十七步高二丈  
 七尺趾濶四丈面二丈城門樓四座東曰海寧西曰阜  
 通南曰迎恩北曰迎淮月城四座南北水關二座窩舖  
 八十一間濠深一丈一尺廣五十二丈表二千三百八  
 十丈五尺為海防要害萬厯十四年大水城垣四周傾  
 圮四百八十丈窩舖三十間州守舊志作知縣非是譚默申請  
 海道胥遇蠲公帑鳩工役具變修築

國朝康熙十三年知府金鎮首捐俸令知州嚴愈率士民  
 協修隸維揚為劇郡東距百二十里帶海襟江島存鹽  
 徒飄忽出沒至險也據勝而止四方故有城隍廣厚不  
 薄足當捍禦歲久守軍利所生荆棘可採而薪不從釋  
 搔日聽其長且大故根連株蔓穿其壁孔多是以垣為  
 場已軍販私鹽以昏宵出入而上下置鍾階之為梯其  
 為鑿利之歲以復不數是以關為暴已守禦者既不其  
 從而財用辦之官者什一割之民者什九是故郡富人  
 夫庸財之名領帑金實役竣仍歸之帑蓋陽與陰奪之  
 矣監督省試復加橫索民之困憊與城俱壞其怨讟亦  
 與隍俱深哉非監司惻然父母撫之又赫然神明臨之  
 其能衛民而去所以害民稱兩利哉萬厯丙戌歲夏秋  
 霖雨浹旬郡垣牆睥睨周遭崩塌踰強半大家者風聞  
 懼役相扶攜挈舟而走當其時居者無衛行者無歸含  
 啼望我胥公行春還奚啻嬰兒暫離襁褓呼慈母意徬  
 徨獨至公始得指揮王惟賢申地方擾狀切責僉報大  
 家森森數法語嚴若斧鉞然遠邇人心稍定子聞之撫  
 掌曰里中一役興於民為害端於官語曰眾心成城倘  
 不廢端不去毒無窮是在上耳目語曰眾心成城倘



是役罷地方安即無城民心附將不險而固矣非便計耶公歸堅主前議不欲割民遂庭論同知謝庭菊從官估計始估得銀二千五百有奇公度虛冒數多復令知州譚默再估得減原估之五比用訖得減再估三之一公之料事蓋一奇中矣夫役取之召募銀粟取之公帑公庾六越月告成凡為牆五百五十五丈為雉堞稱是為睥睨八百六十有三為樓一為舖十有九用故地少新墮多至以丹鉛粉素嶧若斷岸壘似長雲其巍然金湯之雄乎已念督察員役無繇橫索取帑羨勞之有差人及喜復密令署所事千戶責守軍斬艾其所謂根株及盛夏焦卷而斃一事而巨細注念至勤譚守甫至悉受公指與有勞焉士民咸舉手曰茂哉胥公海上鉅功也余謂保障功易衛民而去所以害民功難里道富人郡得稱雄緩急可備周官安富之政蓋燦然王道也獨奈何長民者以民為漁以役為餌坐令家痛楚而戶庭羸治兵使者急在飭五兵無暇民瘼即有神明無事恫瘝切身思以旦夕去者公且為父母且為神明明無事子來畢茲重役不令闕閭間有一夫一錢擾計省富人金凡五千蓋官用一而足民用一而始足為漁之者獄也公復取修船完賦非衣諸額外差罷去大家官自為

辨上其義各御史臺俱報可隨著為令昭示所轄郡邑承永行之凡利孔害端一切釐革此與王政安富並稱烈矣嗟天恤民比仁飭吏比義兼之為難有恤民之政而惠不孚誠未至也有飭吏之政而令不行才未稱也公重違細民不重違疆吏輒舉其弊政去之不謂之誠與才合可乎然其用惠沛然雨露也豈有意乎沾沾市恩其用威轟然雷霆也又何嘗噉噉矜名致訕叢怨亡論公永操鑑識諸治水惠政如日如春即是公蓋允乎稱立教首矣使繼今監司有司心公之心不毀公法即垂之百世可也然則受成先哲以貽地方安其在後人哉鄉大夫士與者老謀所以紀公功併以詔後子為倡始復何惜不敏之言且庶幾異日者不得擅役以罷吾民民亦得指而訴之曰有石在則公之庇吳陵賜且不朽矣然往勒監司善狀類多有司循故事先期礪石徵文茲不煩紹介自交相勸而樂為又曠典矣是故可以觀上可以觀下遂記之公名遇字際明號頤川登嘉靖

東臺縣土城明隆慶間運判馬會築周五里餘為門四

重刊易州府志 卷之十五 城池



水關二以備倭警今殘缺僅存基址高自四五尺至一二尺不等嘉慶十年至十三年頻遭水嚙愈就卑削東南北三門暨水關久圯惟西門尚有甃甃遺蹟內外環水為濠內濠為玉帶形今東北隅漸次堙塞東南一帶

嘉慶四年重浚康熙中十場志土城議曰海墘之間民性醇樸昔固野處若夫築斯城鑿斯池

古未有也明嘉靖三十二年倭寇犯境三十三年復闌入大肆焚掠三十六年倭寇五千餘復至生員葛雷暨場者老乃相率上書鹽憲莫公如士請築城池時運司以錢穀不敷為辭至隆慶三年四川馬公會分判茲土始築土城制四門闕二水關屹然為一方保障圍廣一千二百六丈三尺功雖未竟民胥賴焉萬曆四十七年巡鹽御史龍公遇奇至場見土堡傾圮生員葛世芳等又復以甃城為請乃委如舉知縣熊奮渭造樣城二丈每丈當用銀十九兩有奇時題留銀萬四千兩存運司庫場士民復歡民聞設處五策成議難定大功未舉

竟期後者豈不賴於後之官於茲土者哉乾隆四十四年布政使陶檄查東邑城垣當於分設事宜案內申明另行詳建奉部覆准飭遵時以東邑設有倉庫署獄地近海濱理宜築城保護知縣涂躍龍言地勢狹長難以建造河道環繞足資防衛四十四年知縣葉端又言廬墓稠密河道繁多不能建造現賴民舍保衛倉署不致疎虞先後申詳議遂寢案小民可與樂成難與慮始工役一興必先徹屋夷墓科派煩擾未覩捍衛之利而害已隨之故當事者牽於浮言往往疑於所行然東臺地處海濱防守之計不可不先定於承平之日且比先時有城可依其為害當不至是也司牧者宜究心焉



重修揚州府志卷之十六

都里志

宋江都縣舊二十一鄉今廣陵縣舊二十五鄉寶應縣舊

四鄉今海陵縣舊一十八鄉高郵縣舊二十四鄉永貞縣舊

六鄉今太平寰宇記

江都縣

宋在城六廂城外四廂寶城一廂夾城一廂北廣鄉新城村建新村北廣村同軌鄉長樂鄉彭城鄉太平鄉豐樂鄉輻輳鄉永貞鄉定浦鄉清平鄉六里莊通沙寧川村黃龍溝邪村對焦平遼鄉新西村積善鄉江安村崇



德鄉苟郭村微村新東村宜陵村神仙鄉南許村南廣

村招賢鄉西興村東武鄉東武村公疑鄉永寧鄉東興

鄉善應鄉顏村江漢鄉後江村桃花村中沙村歸化鄉

麻同村青玉村歸仁鄉齊寧鄉沙村南霍村營村艾陵

鄉萬歲村豐谷鄉南陵西村淥洋村

明江都一百一十八里在城四里東廂一里南廂一里瓜洲鎮六里河東

鄉二里善應鄉二里豐樂鄉七里大儀鄉七里邵伯鎮四里河西鄉

六里西七都二里艾陵鄉六里仙女鄉五里崇德鄉十四里第二港二里

新永貞沙二里道士沙二里第八港二里張家沙二里灣頭鎮一里

道士場一里韓家沙一里舊永貞沙二里外官場二里外團沙二里

長沙一里岸一里顧家沙一里長沙下岸一里中岸一里長沙下岸一里

裏官場一里陳家沙一里蔡家沙一里蔡家莊一里青草沙五里

棒沙二里官場岸三里中沙一里雍熙岸一里呂沙一里基沙四里

攷舊轄二十五鄉曰宜陵曰平遠曰崇德曰齊寧曰

神仙曰歸化曰歸仁曰南廣曰永貞曰永寧曰江濱

曰善應曰東興曰東武曰西興曰勿疑曰輻輳曰太

平日彭城曰豐樂曰招賢曰長樂曰同軌曰北廣曰

艾陵後併鄉為五日善應大儀豐樂艾陵崇德分沙

二十八曰仙女鄉官場岸第八港新永貞沙舊永貞

沙張家沙長沙下岸長沙上中岸道士場陳家沙外



團沙外官場裏官場顧家沙蔡家莊青草沙桿棒沙

第二港河東四七都河西韓家沙王家沙江基沙呂

沙中沙江蔡家沙毛家沙嘉靖間領以十區共轄百

有十八里曰在城區東廂南廂邵伯曰瓜洲區河西

善應瓜洲鎮曰河東區楊子橋鎮曰豐樂區大儀鄉

大儀鎮僧道橋鎮曰艾陵區僊女鄉灣頭灣頭鎮邵

伯鎮曰崇德區宜陵鎮曰第二港區張家沙道士沙

基沙新沙呂沙雍熙沙八二圖中一圖曰第八港區

八二圖外團沙韓家沙道士場舊永貞沙外官場官

場岸上中岸曰顧家區上中岸下岸裏官場陳家沙

蔡家沙蔡家莊大橋鎮曰青草區桿棒沙官場沙崇

德萬麻江都縣志

國朝雍正十一年江都縣定為六都一都領畝十二瓜二

四畝瓜雍一畝瓜呂一畝瓜河南一畝瓜崇十四二都

領畝十一河十畝河五畝河六畝河七畝河九畝

七三都領畝十一廣八畝廣三畝廣四畝廣五畝廣六畝廣

辛二畝二張一四都領畝十一道一畝道二畝基一畝

八二畝八三畝八舊一畝五都領畝十一八舊二畝八顧

二畝顧三畝顧四畝顧中二畝六都領畝十一顧官一

一畝顧陳一畝青一畝青二畝青三畝青江都縣志

捍二畝青官一畝青官三畝青莊二畝



明江都在城總舖在府前清涼舖楊子橋舖阜角林舖花

家園舖瓜洲鎮舖俱縣南通鎮江府桐樹舖直口舖分界舖宜

陵舖韓家曲舖橫塘舖斗門舖俱縣東通泰州凍青舖縣西通儀徵

竹西亭舖灣頭舖淮子河舖白塔舖四里舖馬家渡舖

三溝舖腰舖俱縣北通高郵甘泉山舖大儀鎮舖俱縣西北通天長

案江都南路舊有譙樓舖南門舖王家莊舖八里莊

舖姚家莊舖花家橋舖瓜洲舖北路迎恩門舖北門

舖獐兒橋舖本庫舖越塘舖三港子舖張家港舖淶

洋舖東路桑家號舖陳家橋舖西路西門舖大明寺

舖七里舖蓆帽岡舖九女澗舖甘泉舖故驛舖營家

店舖大儀舖

城東接泰州界八十里凡七舖桐樹舖司兵四名分界舖司兵四名

直口舖司兵四名宜陵舖司兵四名韓家曲舖司兵四名斗門舖司兵四名

城東接儀徵界四十五里凡六舖清涼舖司兵五名楊子

橋舖司兵五名八里舖司兵五名四里舖司兵五名瓜洲馬頭舖司兵五名

凍青舖司兵五名同上

瓜洲鎮在城南四十里江濱昔為瓜洲村楊子江之沙  
磧也沙漸長如瓜字接連楊子江口民居其上自唐開  
元以後漸為南北襟喉之處上元初劉展據廣陵設疑  
兵於瓜洲明年田神功等討展軍於瓜洲宋紹興三十



一年金亮南侵揚州陷劉錡留屯於此德祐初元伯顏

陷建康遣張宏範屯兵瓜洲既而伯顏復遣阿朮駐守

瓜洲斷淮東援兵今居民商賈駢集輻輳謂之瓜洲鎮

方輿紀要 唐劉長卿詩渺渺雲山去幾重依依獨聽

曉發悲行客停橈獨未前寒江半有月野樹漸無烟

唱臨南岸鴻嘶發遠田誰知避徒役相對一潸然

渾詩泣玉三年一見君白衣顛顛更離羣楊堤惜別春

潮晚花榭留歡夜漏分孤館宿時風帶雨遠帆歸處小

連雲悲歌曲盡莫重奏心繞關河不忍聞李紳詩酒

昏水郭津亭晚回望金陵若動搖浦迴風翻宿浪照

沙低月歛殘宵柳經寒露看蕭索人改衰容自寂寥

冷舊語惟旅館歲陰輕薄是涼颺高蟾詩偶為芳

無情客況是青山有事身一夕瓜洲渡頭宿天風吹

廣陵塵 宋王安石詩京口瓜洲一水間鍾山祇隔

重山春風自綠江南岸明月何時照我還蘇轍詩天

故苑麗樵山舊城隳莫望瓜洲渡會經駐佛狸宋

仁詩狂風未許放歸船借得僧房半榻眠落雁影收帆

脚外怒濤聲到枕頭邊黃蘆底秋將老白羽書中病

未痊傳語將軍多得力揚州不比舊家年陳造詩雲

晴兼濁潮天雨復晴未須歸有夢午枕愜涼生楊

里詩一夜愁風浪不成眠曉渡清平卻宴然數棒金

江步一檣霜日上淮船佛狸馬死無遺骨阿亮臺傾

埜田南北休兵三十載桑疇正連天阿亮臺傾元

詩晚泊瓜洲渡秋風九月時野煙晴漠漠江樹綠離

客思無人會鄉情有雁知菲才慚李杜對景亦題詩

長安詩

卷之十一

都里

五



天晴雁北飛故山千里外昨夜夢先歸程敏政詩畫  
舫長牽日夜行好風天借一帆輕濤聲北擁迎鑾鎮山  
勢東蟠建業城澤國魚龍爭起舞水村鷄犬誤相驚清  
樽紅燭論心地記取江南第一程葉聰詩瓜步南頭  
水拍天高樓獨望思悠然半江僧下山腰寺兩岸人分  
渡口船萬斛千艘非舊日一龍五馬是何年邇來欲趁  
風濤使十幅蒲帆向浙川徐階詩未遂歸來願空驚  
歲月奔布帆三日雨茅屋數家村山氣遙連海江聲近  
在門無緣得飛渡東望欲消魂波春雨燕城寒浪靜夕  
楊垂柳拂關河白舫朱樓映逝波國朝王士禎詩垂  
陽京口暮山多雷塘事去空禾黍螢苑人稀罷綺羅欲  
向江頭頻望遠不堪還聽石城歌查慎行詩茱萸灣  
北晨沽酒瓜字洲南夜泊船我自只如常日醉人言風  
雪滿江天歸途未免防冰雪一月晴和竟似春今日  
漁蓑堪入畫天公原不薄歸人朱冕詩積雨投瓜渚  
輕帆越甌喜逢鴻隨夢遠敗葉與身浮歸思依吳榜狂  
歌擊越甌喜逢鴻隨夢遠敗葉與身浮歸思依吳榜狂  
達瓜渚帆落柳城西山晚白雲出雨晴青草齊地從淮  
甸折天入海門低數問

楊子鎮卽古楊子津舊以爲卽古楊子縣非也宋元以

橋名今以鎮名在府城南十五里與今茱萸灣相近漕

河至此分二道入瓜儀雍正志唐盧綸詩山映南徐

照渡江人清鏡悲雙鬢滄浪寄一身空憐芳草色長接  
故園春祖詠詩纒入維揚郡鄉關北路遙林藏初霽  
雨風退欲歸潮江火明沙岸雲帆礙浦橋客衣今日薄  
寒氣近來饒孟浩然詩所思在夢寐欲往大江深日  
夕望京口煙波愁我心心馳茅山洞目極楓樹林不見  
少微隱星霜勞夜吟明注廣洋詩楊子橋頭夜泊船  
水波纒定月初圓不眠細數經行日笑隔東風又一年  
李東陽詩揚州久枯旱河水縮不流千夫力未強曳  
纜用巨牛漕州百萬斛擁塞如山邱將軍令不行軍士  
蹙額愁躋攀不可上安能問歸舟民船及賈泊瑣瑣不  
足籌誰爲水車計轉汲春江頭微涓注巨壑豈足禱洪  
流須知此天意亦得參人謀坐視固非策煩驅轉爲仇  
克陽必終復理數亦可求庶幾沛甘雨洗我蒼生憂  
郭第詩小艇淮南道經過無限情可憐楊子渡不見海

都里



萬生水斷瓜洲驛江連北固城漲沙三十里樹杪亂山橫  
國朝王士祿詩來舟與去楫沿源共川塗篙師  
貫風水暗裏相招呼 王士禎詩秋聲渡楊子一雨涼  
颺發秣陵暮潮歸瓜步殘鐘歇無事悲客心曠如久離  
別橫笛起宵闌孤蓬見微月 沙鼎詩月明沙白夜光  
浮洲嘴中分兩道流風靜波平人迹杳一聲漁唱起孤  
舟

灣頭鎮即古茱萸灣舊云唐之東塘周韓令坤克揚州  
守之敗南唐兵於灣頭堰宋詔毀灣頭港口以遏金兵  
令不得積水通舟李全叛攻揚州至灣頭立砦元攻揚  
州以兵屯灣頭皆是此地今為鎮在府城東北十五里

雍正志 宋賀鑄詩冷雲拋雪未成花過隸 東著  
沙荻浦漁歸初下雁楓橋市散只啼鴉舊聞南國饒春  
事行見東風換物華老病心情亦何有藥囊詩卷是生  
涯 明張萱詩茱萸灣頭紅蓼花秋風高日蒸殘霞

行打鼓氣鹽去平湖軋軋鳴歸棹竹西歌吹杳何處  
楊兩岸黯不語一聲江笛叫江樓壘斷寒雲不知處  
悠何處還鄉客 范廷瓚詩橋通古市頭淮水奔流疾  
相喚采茱萸客中逢九日 席居中詩歌舞龍舟地今  
來水一灣淡黃堤上柳凋盡舊時顏 李國宋詩蕪城  
墩下唱歌來舴艋輕舸暗櫓催家在茱萸灣裏住五更  
月落打魚回 史夔詩江城行漸近杳靄暮雲問楊柳  
渡傍渡茱萸灣復灣 樵歌村徑暝漁火夜船還欲問山  
光寺妻涼不可攀 孔尙任詩夜轉船頭哭不勝茱萸  
灣口認漁燈客帆都指維  
揚路那得家書到海陵

仙女鎮在城東北三十里有古女道士康紫霞廟鎮因  
以名沿運鹽河北岸西臨人字河北與甘泉縣分界

志 正 雍

宜陵鎮府東北六十五里地勢高阜民居稠密自灣頭



達泰州之道也

方輿紀要

國朝王士禛詩何晚宜

陵渡孤帆踏暝流千家漁火亂兩岸候

蟲啾何處宮人墓常懷帝子樓容愁兼弔古今夜廣陵

秋 宗元鼎詩伐木暮丁丁車聲襍斧聲鵲欺牛背立

人信馬蹄行深谷殘煙黑荒墳斷火明歸來門已閉燈

影射柴荆 孔尚任詩淮南客路重陽後灣過茱萸倍

可憐黃霧滿空迷雁陣青苔一片染漁船舊山宅廢憑

詩補新柳堂成作畫傳三宿宜陵三夜雨東原悵望指

煙 張綱鎮在城東三十里鎮東北二里即古大石湖湖今

為平壤萬壽巡檢司今移駐此

萬壽鎮在府東四十里至寶塔灣五里有巡司戍守自

萬壽鎮而東三十里為歸仁巡司司之西即三江口司

之東為廟灣與周家橋逼近皆江濱設防處也

舊志云鎮有萬壽寺故以為名

大橋鎮在城東六十里明永樂間陳瑄穿白塔河通運

由此達江商舶亦由此入居人漸眾後運道復由瓜洲

河猶不湮今為大鎮

雍正志 嘶馬鎮在城東七十里與泰興縣接壤

同 桑里在縣西南二十里通鑑沈慶之攻廣陵宋武帝命

為三烽於桑里胡三省注桑里在廣陵城西南

欽定大 清一統志 按元豐九域志江都

下又載有板橋鎮今不知其處

在城市東南北關三市田家巷市河東市井巷口市鈔

關市場子橋鎮市瓜洲鎮市灣頭鎮市宜陵鎮市大橋

鎮市瓜洲鎮市灣頭鎮市宜陵鎮市大橋



鎮市 嘉靖志

國朝在城巽東南北關三市小東門街南市緞子街南市  
缺口門街南市埂子街市鈔關市磚街市徐寧門市河  
東市田家巷市井巷口市 江都縣志

甘泉縣

雍正十一年甘泉縣定為五區一區領畝十一 在一畝

在三畝在四畝東一畝南一畝邵一 二區領畝十一

一畝瓜一畝瓜二畝瓜三畝瓜四畝善一畝善二畝 三區領畝

瓜中一畝河二畝河三畝河四畝河五畝 四區領畝

十豐大五畝艾一畝艾二畝艾三畝艾四畝 五區領畝

府治東街急遞舖名曰總舖 司兵十名 城西接天長界六

十里凡三舖甘泉舖 司兵五名 楚家舖 司兵五名 大儀舖 司兵五名 城

北接高郵界八十里凡八舖竹西亭舖 司兵五名 灣頭鎮舖

司兵五名 淮子河舖 司兵五名 八塔舖 司兵五名 邵伯舖 司兵五名 馬家舖

司兵五名 三溝舖 司兵五名 腰舖 司兵五名 江都縣志

邵伯鎮在縣北四十五里洪武元年巡檢張仁開設邵

伯埭今為邵伯鎮置巡司於此邵伯驛亦在焉為水陸

孔道 方輿紀要 宋秦觀詩南北悠悠三十年謝公遺

隸故依然欲尋舊事無人共臥聽鐘魚古寺邊

呂本中詩柳外鶉鴉相應鳴屋頭新月半輪生知君未

便為官去且放扁舟自在行 曉日烘窗不得眠夾河



高柳亂鳴蟬西風種種入愁思更有長亭十里船  
天祥詩今朝車馬地昔日戰爭場我有揚州鶴誰存  
伯棠一灣流水小數畝故城荒回首江南路青山斷夕  
陽釋道潛詩一道河流遠接天兩行官柳復蕭然村  
春歷歷鳴何處彷彿孤煙落日邊回首山光古寺基  
拂天寒木耿斜暉孤撐漸與鐘聲遠但見風幡竹外飛  
聲息陣慣衝雲脚過漁一初煙接眾村平湖岸荒荒水石  
與今日勞人故國情遠近荻蘆連暮雨不知何地是蕪  
城望裏應無色邗水聽來尚有聲今宵初別廣陵城平  
山望裏應無色邗水聽來尚有聲今宵初別廣陵城平  
茅奇氣赴神京天涯知已渾難覓一片黃沙獨遠行  
鮑一舉詩依然風土古揚州連臂還歌清夜遊神路白開  
虹一道人家明散月千樓大河霜色將成凍衰柳湖光  
尚帶秋苦恨壚頭新酒薄衝寒空典客中裘

黃珏鎮即黃珏橋在城北四十里白茆湖北黃子湖南  
地多高阜最為偏遠相傳宋元之季士大夫避地多居

於此今居人稠密塵市鱗次與江都東諸鎮相等屬邵

伯巡司轄郡人指名曰北湖往往置別業焉雍正志國朝吳

綺詩黃花種得向東籬較取淵明我覺遲苦有虛名緣  
識字未忘結習尚貪詩戴公挈榼花深日王子停船雪  
滿時不是傷懷非感  
世從來猿鶴是相知

上官鎮即上官橋在城西六十里置巡檢司今移陳家

集同上

陳家集在城西六十里與上官橋近巡司駐此同此

大儀舖皆上  
官巡司轄

公道橋鎮在城北四十里指泉縣志云在城西北七十里屬上官巡司

轄與黃珏橋相距十里並為湖中高阜塵市民居亦正



相等俗呼曰僧道橋

同上

大儀鎮縣西七十里

輿地紀勝云西北六十里

接天長縣界宋建隆

元年親征淮南李重進攻大儀遂克揚州紹興四年劉

豫以金人入寇步兵自楚攻承州騎兵自泗攻滁州韓

世忠軍揚州分兵守承州親提兵駐大儀以當敵騎伐

木為柵自斷歸路勒五陳設伏二十餘所金前軍聶兒

孛堇引兵趣江口距大儀五里別將撻孛也擁鐵騎過

五陳東伏發寇大敗論者稱大儀之捷為中興武功第

一者也

方輿紀要

國朝查慎行詩萬乘方南巡孔

鳴旅況槍孤獨廣陵繁麗地咫尺異風俗沙田廢牛耕

灌莽抽新綠人稀鳥巢少鴉鵲爭一木村童地無餘

佛樓草屋杳杳望

炊煙荒荒晚投宿

白土戍在城西南竟陵王誕傳宋大明三年誕據廣陵

反詔沈慶之討之慮誕北奔使慶之斷其歸路慶之乃

營於白土戍去城一十八里夕進新亭

事見宋書

撻扒店在新城西宋淳祐元年八月北兵侵真州淮東

先鋒馬軍鄧涇李海戰於揚州撻扒店

甘泉縣志

新亭在城西北蜀岡上

同上

明邵伯鎮市大儀鎮市

嘉靖志

國朝太平橋市小東門街北市緞子街北市轅門橋市新

盛街市缺口街北市開明橋市大東門市東關街市便



益門市

江都縣志

儀徵縣

明儀真

十四里

在城

太平鄉

七都

甘露鄉

六都

歸仁鄉

五都東廣陵鄉

四都西廣陵鄉

一里懷義鄉

七都新城都轄里

一里嘉靖志

三都三都

三里嘉靖志

三里嘉靖志

國朝

在城都轄里

二一箇日在

二一箇日在

二一箇日在

二一箇日在

二一箇日在

二一箇日在

二一箇日在

按雍正志

作轄三里

懷義鄉

三都轄里

二一箇日在

二一箇日在

二一箇日在

東廣陵

鄉四都轄里

一四都

歸仁鄉

五都轄里

三一箇日在

三一箇日在

三一箇日在

西廣陵

二里三箇

二里三箇

甘露鄉

六都轄里

二一箇日在

二一箇日在

二一箇日在

西廣陵

鄉太平鄉

七都轄里

三一箇日在

三一箇日在

三一箇日在

三一箇日在

三一箇日在

康熙儀徵縣志

案康熙儀徵縣志云鄉六都七里十有四皆仍明舊

宋志都十有五甘露鄉一都曰義城里二都曰三城

里太平鄉十二都曰裏居里十三都曰上沛里十四

都曰白浦里歸仁鄉八都曰凡村里東廣陵鄉四都

曰雉長里五都曰三南里七都曰東村里西廣陵鄉

十五都曰金塘里十六都曰沙河里懷義鄉三都曰

孫村里九都曰格南里十都曰塘下里十一都曰金

珠里今俱廢

儀真總舖

在縣前

曹村舖

陟山舖

岳家山舖

褚家堡舖

俱縣

西通六合

沙河舖

德明舖

樸樹灣舖

石人頭舖

俱縣

通江都

儀徵縣志

卷之二十六

都里

七



急遞舖在縣治前者曰總舖司兵五人東接江都界四十里

凡四舖汭河舖司兵五人德明舖司兵五人樸樹灣舖司兵五人石人

頭舖司兵五人西接六合界四十里凡四舖曹村舖司兵五人陟

山舖司兵五人岳家山舖司兵五人褚家堡舖司兵五人儀徵縣志

案康熙儀徵縣志云宋志舖有十二曰南門曰東門

曰北門曰汭河曰臘山曰橫驛曰曹村曰太子港曰

張家店曰彭家店曰帳幔曰西團窩明嘉靖志有淺

舖在縣東五里今俱廢

新城鎮在城東十里瀕運河縣志以為是晉謝安所築

按安於步邱築新城乃在今甘泉縣北二十五里非此

地也元至元二十八年移楊子縣治此今為鎮東西高

橋鑾江橋新壩皆在此土人喜植桃春花最盛雍正志

奎詩一雨淮南霽新城喜暫登江平流浩浩山遠路層

層大船連橋發高樓列艦凭北居殊覺久眼畏火雲蒸

帶雨行西郭虛舫牽風出舊城水色遙連煙嶂小柳陰

深護晚蟬鳴故山盟會成希濶短夢長歌無限情又

虛舟坐傍楊柳陰山雨欲來風欲迎弔古空勞尋舊蹟

遙人猶自說新城笑看水面浮漚影厭聽山中杜宇聲

篷到弄丸真樂處滄桑從此不關情國朝杜濬詩

尚棹望遙天明霞漲一川同驚分手日莫計種桃年綠

是江南樹青為渡口煙無勞更相送緩問歸船年綠

映鍾詩謝公城不見彷彿見桃源十里飛霞綺一溪通

水村日遲行酒促風靜落花荒原樹成列風忽散吹來滿

痕濕如血會無愛惜人往往相攀折此中有大家家中

地好女羅衣行春光灼灼復楚楚家破物盡毀白晝狸

鼠出種桃何辛勤鄰媪收桃實惜此花飛

都里



時飛花鳥跡內  
行盡水之涯

樸樹灣鎮在城東三十里濱運河有周孝婦祠同上

石人頭鎮在城東四十里濱運河與江都接界同上

陟山舖鎮在縣西二十里儀徵縣志

何家港鎮在縣城東二十五里港為北岸要口由京江

渡此登岸則東走瓜洲西入儀徵北達揚子橋皆為徑

易故防守尤切港有土橋明末總兵黃得功嘗問行此

高傑遣兵邀之得功殺其驍將即此橋方輿紀要

白沙鎮在縣城南濱江即白沙洲也舊為戍守要地齊

建元初魏人人寇詔於白沙分置一軍長蘆分置二軍

唐至德二年永王璘作亂軍丹陽其將馮季康奔白沙

降於淮南採訪使李承式上元元年劉展據廣陵軍於

白沙五代吳楊溥如白沙觀樓船徐温自金陵來朝因

號白沙為迎鑾鎮周顯德五年周主如迎鑾鎮至江口

破唐水軍宋建隆初太祖平李重進於揚州令諸軍習

戰艦於迎鑾鎮南唐主李璟大懼即白沙也乾德二年

始置建安軍於此同上宋黃庭堅詩岸江倚帆檣已

綠水去清夜黃蘆搖白煙篙人持更柝相語聞並船平

生濯纓心鷗鳥共忘年風吹落塵網歲星奔回旋險艱

自得力細故可弃捐至今夢洵洵呼禹濟黃川國

朝王士禎詩停舟楊子縣支枕夜寒侵人語煙初暝雞

鳴雪漸深江天多曠望漁浦極楓林不見梅花閣煙波

愁暮心史夔詩收帆向昏黑風浪息天吳江色澄如



練山光澹欲無流年雙槩急鄉思一燈孤畏聽沙洲外  
天寒雁鷺呼汪楫詩北風初作雪逋客正辭家濁酒  
當寒水輕帆入暮笳燈明村犬吠潮  
落榜人譁歷歷疏星外江煙起白沙

老鶴嘴在城東南宋德祐初元阿朮攻真州州守苗再

成與戰於老鶴嘴敗績卽此地

雍正志

歐陽成在儀徵縣東通鑑沈慶之討竟陵王誕至歐陽

成水經注永和中和邗溝上承歐陽引江入埭六十里至

廣陵城

欽定大清一統志

案舊志有瓜步鎮方輿紀要有宣化鎮今並屬六合

故不載

明在 cities 東南二關市一二三四五壩市新城鎮市樸

樹灣市瓜步鎮市東西石人頭二市何家港土橋市嘉靖志

志

案舊志宋市有三在朝宗門左曰黃池市門外天開

岳畫樓左曰南市曰北市

城內市四大市在南門內十字街曰小市在縣東曰豬

市在大市街曰菜市在紙坊橋北城外市三新巷菜市

在南門外東關米市在浮橋東新城米市在新城鎮東

儀徵縣志

魚市在城南弔橋前儀徵縣續志

高郵州

重修高郵府志 卷之十六 都里



明高郵 八里 太平廂 一里 孝義廂 一里 忠信坊 一里 鎮淮廂 一里

豐谷鄉 五里 煥畱村 四里 焦里村 二里 公田村 四里 南陵村 二里

四義村 五里 武寧鄉 十里 三梁村 七里 柘梁村 四里 義興 二里

中林村 八里 茆梁村 七里 武安鄉 四里 江靜村 二里 王琴 四里

新安村 二里 蔣里村 一里 昌平鄉 七里 黃林村 三里 沛城 三里

平阿村 二里 德勝鄉 六里 兩管村 四里 北良村 一里 故 二里

丁志村 二里 眉陳村 二里 南程村 二里 嘉靖志 數與總 不符他邑亦有此者皆從舊志錄入無憑致 正又平阿村樓倫此行口錄作平柯未知孰是

業隆慶高郵州志 有孝義廂一里 新太平廂一里

國朝在鄉共二十三村 豐谷鄉轄五村 煥畱村 東村 一里 總一里

公田村 東村 一里 西村 一里 總一里 上 四義村 東村 一里 西村 一里 總一里

南陵村 東村 二里 西村 一里 總一里 上 四義村 東村 一里 西村 一里 總一里

梁村 南村 一里 西村 一里 總一里 上 四義村 東村 一里 西村 一里 總一里

柘梁村 東村 一里 西村 一里 總一里 上 四義村 東村 一里 西村 一里 總一里

義興鄉 東村 一里 西村 一里 總一里 上 四義村 東村 一里 西村 一里 總一里

村 南村 一里 西村 一里 總一里 上 四義村 東村 一里 西村 一里 總一里

北村 一里 西村 一里 總一里 上 四義村 東村 一里 西村 一里 總一里

茆梁村 東村 一里 西村 一里 總一里 上 四義村 東村 一里 西村 一里 總一里

里 西村 一里 西村 一里 總一里 上 四義村 東村 一里 西村 一里 總一里

都里

里 西村 一里 西村 一里 總一里 上 四義村 東村 一里 西村 一里 總一里

里 西村 一里 西村 一里 總一里 上 四義村 東村 一里 西村 一里 總一里

里 西村 一里 西村 一里 總一里 上 四義村 東村 一里 西村 一里 總一里

里 西村 一里 西村 一里 總一里 上 四義村 東村 一里 西村 一里 總一里

里 西村 一里 西村 一里 總一里 上 四義村 東村 一里 西村 一里 總一里

里 西村 一里 西村 一里 總一里 上 四義村 東村 一里 西村 一里 總一里

里 西村 一里 西村 一里 總一里 上 四義村 東村 一里 西村 一里 總一里



七總 德勝鄉轄六村兩管村 西村一畝五總八里東村

七里 一畝五總九里東村二畝

五總十里東村三 北良村 南村一畝五總四里

北村三畝 丁志村 北村二畝五總五里

五總二里 南程村 東村一畝二總一里

六里東村二 南程村 西村二畝二總二里

村江靜村 南村二畝一總十一里

二畝一總八里東 新安村 西村一畝三總一里

村二畝一總九里 新安村 東村二畝三總二里

一畝三 昌平鄉轄三村黃林村 東村一畝三總九里中

三畝三總 沛城村 西村一畝三總七里

十一里 沛城村 東村一畝三總八里

五里東村二畝三總六里中村 高郵州志

三畝七總十一里 高郵州志

高郵總舖 在州 蓋樓舖第一溝舖第二溝舖第三溝舖

王良溝舖官溝舖 俱州東 八里舖露筋舖 俱州南 柴莊

舖塘頭舖張家溝舖井亭舖塘灣舖 俱州北 通寶應

在城二十四舖仁義一舖忠信一舖忠信二舖忠信三

舖恭應南舖恭應北舖常豐一舖鎮淮一舖鎮淮二舖

孝里東舖孝里西舖孝義東舖孝義西舖永安東舖永

安西舖新上一舖新下一舖太平四舖太平五舖太平

八舖景賢上舖景賢下舖保和一舖南門外一舖

樊良鎮離城十八里漢樊噲嘗遊此處後人為之立祠

輿地 紀勝

三架鎮在州東四十里宋建炎中金人攻楚州詔通泰

重刊... 卷之... 都里 七



鎮撫使岳飛援飛屯軍三梁鎮為楚州聲援寇至三戰

三捷今其地有三梁橋跨山陽河河北接射陽湖

方輿紀要明高穀詩海霧初乾日上時人家煙火起晨炊田疇

欲水車翻急河路將塵棹去遲紫荇牽風香冉冉綠荷

擊露影離離故鄉民俗猶存古相見頻來問阿誰

嘉木陰森結草堂亂雲連屋水連莊人家盡說秋成好

七月西風早稻香汀草薰濃野樹疎水禽時

張家溝鎮在城北四十里舊置張家溝巡司

雍正志張家溝鎮在城北四十里舊置張家溝巡司

北阿鎮在州西八十里亦曰三阿三阿者鎮之南有平

阿湖又南有下阿谿也東晉嘗僑置幽州於此太元四

年苻秦將俱難彭超圍幽州刺史田洛於三阿去廣陵

百里朝廷震謝元自廣陵馳救難超戰敗退保盱眙今

下阿入天長縣

方輿紀要宋陳造詩聞道籃輿去遙

者官糊口公朝禮作羅憐君日阡陌塵土撲陰何

國朝李必恒詩東海大魚化阿法真雄委晚弃景畧言

氣吞司馬兒盱眙既已陷廣陵復告危桓桓謝將軍受

命如風馳奮勇卻俱彭三敗敵已靡壯猶比方召先聲

兆淮淝緬思古人意成算百不虧舉親豈拂眾履展任

亦宜兒輩能辦賊大言亮非欺戰場今何在蔓草畱荒

基召埭近在望千載同謳思

界首鎮在城北六十里與寶應分界

雍正志刺詩清氣撲人湖

面水幽聲到耳樹頭風人家蠶老櫻桃熟卻是淮南四

月中一平湖遇雨天開鏡落日放船人打魚野老柳陰

沽黍酒行人馬上得家書國朝彭桂詩避人江郭

與江村近水人家掩華門樹擁驛樓鄉漸遠燈催戍鼓

暮猶喧初浮露氣侵衣冷乍入河流見月

昏最是雞聲驚客夢時平何事擾劉琨



臨澤鎮在城東北九十里劉宋泰豫初置臨澤縣屬海

陵郡齊梁因之隋初并入高郵至今為鎮同上

時堡鎮在城東北一百二十里舊置巡檢司同上按

永安鎮在城東南六十里與甘泉接界同上李國宋詩煙色

野冥冥扁舟泊水汀市樓高捧月渚水弱依星土

鏗春燈閃漁罾晚餽腥雁聲何處過孤客不堪聽

樊汭鎮在城東南六十里與泰州甘泉縣接界同上國朝

李國宋詩二月柳絲長歸帆挂夕陽春風吹野水暝色

近河梁宿草霜根白殘雲雨脚黃玉樓高半掩繡被冷

孤航按方輿紀要載在秦州下

陸漫牖鎮在州治北四十里高郵州志

嵇莊在城東南十五里宋遣侍郎柳岳如元乞封至高

郵莊官嵇聳殺之後文信國過嵇莊聳設醴以待遣子

德潤客林從學送至海陵得航海去夏曉春鶴泉詩鈔

莊辭莽予舟兮北征過淮南之故城問嵇莊兮何許懷

志士兮如生方文山兮竄身脫羈械兮宵遯望南天兮

淚流孰可雪兮終恨嗟若人兮傾家濟纍臣於方困雖

中興兮無期盡我心而奚論彼柳生兮何顏乃北面於

仇兇賣吾君其奚忍幸千里兮途窮凜若人兮奮劍顧

白日兮當空揮佞首於一擲竭草野之孤衷噫宋社之

莫復兮固天禍之不悔既中外之決防兮遂忠讒之失

類夫何一士之蹇蹇兮獨此心之不諄眷衣冠之濟濟

兮曾編氓之弗逮豈民彝之未泯兮繫世教之終在盼

湖水之東流兮撫桑柘之依依黯青陽之西逝兮澹條

靡之吹衣慨去宋之既遠兮渺人物之俱非咄前史之

歸究兮豈見畧於界微想叔世之義俠兮舍斯人其安



兒童付死生 又小船嵇莊月正弦莊官驚問是何船  
今朝峭馬灣頭出正在青山大路邊 國朝夏之蓉  
詩有宋頽天綱時勢方邁速撫肌能慨慷越在巉蝨臣  
侍郎從南來手捧御枚新煌煌大邦使弭首而容身臣  
誠憤所切無力排帝閭起斷侍郎頭疲茶聊一振哀哉  
文丞相隻手扶孤輪流離出間道倉皇類驚磨一髮能  
舟何顧欲繫千鈞草堂燈火微相視含酸辛殷勤具舟  
揖高誼凌秋旻時危節乃見草澤非無人 夏曉春詩  
皋亭論激右相亡謫言驚備連淮揚溫州東蔽蛟蜃氣  
糝羹蕢荷饑跟踰設醴相待者誰子草堂竟夜聯繩林  
傾懷慕義到骨肉海陵一別飛孤航海上精忠薄星日  
未僚同志扶頽綱君不見衝冠頭斷柳侍郎憤勇說  
嵇家

丁村在城南卽丁志村宋德祐二年揚州圍久食盡州  
將姜才聞高郵運米將至出步騎與元軍戰於丁村潰

還卽此 雍正志

州治之前曰總舖南十里曰八里舖又十里曰車遲舖  
又十里曰王琴舖達甘泉界北十里曰紫莊舖又十里  
曰塘頭舖又十里曰張家溝舖又十里曰井亭舖又十  
里曰塘灣舖又十里達寶應界東十里曰益樓舖又十  
里曰第一溝舖又十里曰第二溝舖又十里曰王良溝  
舖又十里曰三溝舖又十里曰官溝舖又十里達興化  
界

市在城中者四州前一中市橋一南市橋一北市橋一  
俱齋在城外者二十三驛前一北門口一猪草巷一廟  
巷一園門口一通湖橋 俱齋東臺巷故衣市土壩襍貨



市西門外行祠廟月塘館驛前俱米麩襍貨市東羣場

牛馬市馬家河果品市廢久新河塘果品市天王寺竹木

市石橋羅緞市梨木巷農具市小北門猪畜市壇巷羊

畜市二市廢久廟橋魚鱉市三里橋缸饌市蛤蜊壩蒲草市

久廢東河下河俱草市新橋生藥壘酒市湖嘴灰炭襍

貨市多寶樓橋壇貨市今移大街高郵州志

在城市南北關二市湖嘴市三梁鎮市車邏鎮市臨澤

鎮市張家溝鎮市界首鎮市時堡鎮市北河鎮市嘉靖志

元豐九域志高郵下又載有三塾鎮按宋史岳飛傳遷通泰鎮撫使兼知泰州會金攻楚急遣飛行而命劉光世出兵援飛飛屯三塾為楚援尋抵承州攻地理志建炎四年陞高郵軍為承州則飛所屯在高郵境內舊志

以三塾鎮當之恐即三塾之譌

興化縣

明興化七十里東隅三里南隅三里西隅三里北隅二里東廂一里西

廂一里安仁鄉六都里一都二里十都五里十一都四里十五都

里三都里十六都六里十七都九里長安鄉六都里二都五里四都七

六都七里七都五里八都三里九都三里嘉靖志

國朝東隅六里南隅五里西隅六里北隅五里東廂四里按興化

東二廂安仁鄉十九里按興化長安鄉十五里按

東三廂十四里河泊所二里各竈十二里按興化縣志云舊十二里今併為上下六里雍正志

按康熙興化縣志又有軍里上下共一里



興化總舖在縣前十里亭舖買莊舖孟家窑舖俱縣南平

望舖火燒店舖盧家壩舖俱縣北通鹽城

唐子鎮在城東六十里雍正志

安豐鎮在縣東北六十里有巡司方輿紀要按雍正志作七十里

長安鎮在縣北三十五里同上

芙蓉鎮在縣東北三十五里元至正十四年董搏霄戍

鹽城興化勦大縱得勝兩湖賊巢卽其地築芙蓉砦賊

入輒迷故道盡殲之自是不敢復犯卽是此地今爲鎮雍正志

陵亭鎮在縣南二十五里唐大順初朱全忠將龐師古

畧淮南下天長高郵引兵深入與賊將孫儒戰敗於陵

亭乃還方輿紀要國朝王方岐詩孤城南走東陽

將戰陵亭雲沈鳥路千村暮風捲魚簪一水腥愁絕全

淮奔注日到簷高浪雨冥冥薛衡詩欲睡榜人喚相

催盪槳行春濃兩岸綠雲淡一溪晴驅犢村童小捕魚

白鳥輕老翁何意緒背手立柴荆按雍正志作三十

里五

瓠子角鎮在縣東南明徐達等攻興化太祖曰瓠子角

興化要害寇所必經達奉命以兵扼其地興化遂下是

也同上明陳基詩頻歲事行邁敢云筋力衰官軍渡

敵場謳歌襍華夸行行瓠子角所遇悉瘡痍草木未黃

落風露已凄其僕夫蹠謂我歲暮寒無衣故鄉日以遠

道路實嘔崎我方戒徒侶師行有成期貴賤皆行役違

敢恤其私賴有同袍彥議論各瓌奇有酒卽共飲聊復



慰羈離 王仲儒詩三方犄角連兵地自昔高形甲帳  
開入境早逢津吏拜受降高擁戰旂迴西風斷岸橫商  
船南浦空波沒成臺千古興亡渾不異且窮  
煙鳥壯心哀 按雍正志在城南二十五里

河口鎮在城西四十五里瀕運鹽河與高郵分界雍正志

按方輿紀要載  
在高郵州下

在 cities 東西關二市四牌樓市芙蓉鎮市安豐鎮市陵

亭鎮市長安鎮市嘉靖志

寶應縣

明寶應三十里東南隅一里東北隅一里西南隅一里西北隅一里

阿鄉四里曹村鄉二里永寧鄉二里軍下鄉二里王野鄉四里孝義

鄉四里順義鄉二里侯村鄉二里白馬鄉三里

案萬厯寶應縣志在城舊為四坊萬厯十四年知縣

耿隨龍盡革坊長諸費因改四坊為崇儉四鄉

國朝在城四坊東南隅西南隅三阿鄉轄四門外去縣

五里二畝在縣東北去縣二十里三畝在永寧鄉永寧

鄉轄二畝一畝在三阿鄉三畝東南去縣十五里軍下鄉

轄四畝一畝在永寧鄉一畝南去縣四十里二畝在一

里四畝在三畝曹村鄉轄二畝一畝在二畝東去縣五十

縣七王野村轄四畝一畝在三阿鄉三畝東去縣四十

畝在二畝東北去縣八十里四畝孝義鄉轄四畝一畝

村鄉二畝東去縣六十里二畝在一畝東去縣三十里

三畝在一畝南去縣七十里四畝在三畝南去縣六十

里

都里

都里

都里

都里

都里



里順義鄉轄四畝一畝在白馬鄉西去縣六十里二畝在

東北去縣六十里四畝侯村鄉轄二畝一畝在順義鄉

在三畝東去縣五十里白馬鄉轄四畝一畝在汜光湖北

南去縣一百二十里白田鋪鎮在城南十里一畝在汜光湖北

在二畝北去縣十里三畝在白馬湖南去縣二十

里四畝在三畝西北去縣三十里白田鋪鎮在城南十里一畝在汜光湖北

作陽春時蠶老客未歸白田已綠絲驅馬又前去捫心

空自悲 國朝汪懋麟詩內河風色惡停棹意何如

對岸看黃葉臨流買白魚村空鴉噪月

檣冷浪侵書此夕真無睡思君水竹居

槐樓鎮在縣南二十里運道所經也方輿紀要

瓦店鎮在槐樓鎮南十里同上 按雍正志

汜水鎮在瓦甸南十里濱運河槐樓巡司移此雍正志

唯詩好風貪利涉半日隔秦郵禱鳥鳴芳甸聞花占遠

洲酒從今雨飲春及故鄉遊老大空糜祿湖西欲繫舟

更濁雲亂轉疑空積勢生冰雪高天急雁鴻因思葦屋

裏睡穩是村翁 按樓鑰

江橋鎮在汜水南十里方輿紀要 按雍正志

黃浦鎮在縣二十里舊名上游鎮即吳王濞置黃浦至

白浦之地萬麻寶應縣志 按樓鑰

蘆村鎮在城南四十里與汜水相近雍正志

黎城鎮在縣西九十里方輿紀要

衡陽鎮在城西南一百二十里舊置巡檢司宋時為衡

陽阜又有三角村皆係當時邊兵經行橫趨大儀之路



雍正志

永豐鎮與黎城相近同上

射陽鎮在城東四十里縣志云地有故城按射陽漢縣三國時廢晉復置劉宋後又廢故城在今鹽城縣西九十里射陽湖東而此復有城必是漢縣蓋射陽東漢屬廣陵郡其後即為郡治太守所在當使道路四達為舊治聲援不當僻處偏隅遠隔大湖之外此地與安宜密邇可直達廣陵其為漢舊縣無疑意故城在鹽濱境者則晉太康初所重置耳同上

鎮市店鎮市黎城鎮市盧村鎮市嘉靖志

寶應總舖在縣前白田舖槐樓舖瓦店舖范水舖江橋舖

俱縣南俱縣北子嬰舖白馬舖黃浦舖通淮安

泰州

明泰州一百七十八里在城五里一都二里淤溪薄湖河泊所六里南

北廂四里東西鄉七都七場二都七三里八都八里十都

八里三十二都八里三十五都八里何梁場一里白駒場一里東臺

場一里丁溪場二里草堰場一里小海場一里劉莊場二里十五鄉

五里寧海鄉五都五場二五里二十六都三里二十八都一里二十九

都二里三十二都七里梁梁場二里安豐場二里拼茶場四里富安



場一里角斜場一里永吉鄉四都二里十三都八里十五都八里十  
六都八里三十四都六里蒲津鄉五都三里九都八里上十都九里  
下十都十二里十七都三里十九都一里招賢鄉三都四里十五都  
十四都三里二十都一里同上

國

朝在城實六里東西鄉轄都六一都十二里七都三里三都

九都九里三十三都九里三十五都一里招賢鄉轄都四五

都九里上十都十里下十都十三里永吉鄉轄都四十

三都八里十四都三里十六都八里三十四都七里蒲津鄉轄都

五十七都三里十九都一里二十都一里二十二都五里二十三

都五里寧海鄉轄都七二十五都一里二十六都三里二十七

都二里二十八都一里二十九都二里三十二都七里一都二里河

泊所

六里 泰州志

案東西鄉舊有十五都五里因凋疲并二里入一都  
并一里入三都并一里入四都并一里入三十三都

乾隆三十三年又分州東北境設東臺縣

泰州總舖在州前城東舖葛堰舖流汗口舖姜堰舖朱家

店舖白米舖曲塘舖查家莊舖潭口舖海安舖俱州東

城西十里舖祁家莊舖俱州西南城舖廟灣舖俱州南

急遞舖十三處州前總舖城東十里舖葛堰舖流汗口

舖朱家店舖白米舖曲塘舖潭口舖查家莊舖海安舖



城西十里舖祁家莊舖謝家舖城南十里舖廟灣舖州泰志

寧鄉鎮在城東六十里崇禎泰州志

斗門鎮在城西三十里宋淮南轉運副使吳遵路置斗門以蓄洩水民甚便之因以為鎮同上

海安鎮在城東百二十里唐景龍二年置海安縣開元十年省入海陵明初徐達攻江北駐軍海安尋進圍泰州使孫興祖留鎮於此以斷賊援軍相傳常遇春於此

築城嘉靖時倭亂巡撫唐順之亦於此築土城今皆圯

雍正志案舊志引陳大建五年師克齊海安城攻隋書地理志東海郡梁置青州東魏改曰海州隸水東魏

改曰海安陳書宣帝紀云徐敬辨克海安城非泰州且陳

師是時向西北行亦未嘗東抵海陵也今刪明陳基

詩淮海水為利轉運有常程積渠如積金守防如守城

近聞渠堤壞水決劇建甌我軍賴神速戮力障頽傾舊

防幸已復新修亦宜興古人重舉日費千金并克敵

務給糧足復資力耕勿使遺物坐倉儲待贏東南力可

加開饋餉歲彌增勿使與業斯事力當行陋儒無良算

舒根本計非輕欲宏中興業斯事力當行陋儒無良算

觸物有深情再冉趨畏途戚戚慎宵征雲動寒光入樹

儀詩不知鄉路遠但聽岸雞鳴曉色連雲動寒光入樹

平遠波千葉下微雨一蓬行似有同聲在難為慰旅情

港口鎮在州北十八里方輿紀要路漸知津山鳥喚醒

客海風吹黑人乾坤萬里夢煙雨一年春起看扶桑曉紅黃六六鱗

白米鎮在城東六十五里瀕運河同上

曲塘鎮在城東七十五里瀕運河同上



在 cities 新橋市南北關二市東西壩二市大寧市河東市斗門市寧海鎮市海安鎮市

嘉靖志

### 東臺縣

乾隆三十三年東臺縣定為八都十都轄十四

十一都轄十四自一十四至一十四十二都轄十四自一十四至一十四

三都轄十四自一十四至一十四十四都轄十四自一十四至一十四

轄十四自一十四至一十四南場轄十四自一十四至一十四北場轄十四自一十四至一十四

七自一十四至一十四九自一十四至一十四十自一十四至一十四東臺縣志彙

縣轄場十東臺場里一何梁場里一丁溪場里二草堰場里二劉

莊場里二梁梁場里二安豐場里二富安場里二角斜場里一拼茶

場四里同上

一案丁溪草堰劉莊三場並籍隸興化又有小海場今并入丁溪白駒場今并入草堰

在 cities 西溪鎮市秦潼鎮市縣西門外米市

縣前總舖司兵四名殷莊舖名二暮雲莊舖名二新入家舖名二時

堰鎮舖名二青蒲莊舖名二秦潼鎮舖名二

李家堡在縣東南百三十四里一名赤岸東臺縣志彙

濟潯鎮在縣南一百八十里同上

西溪鎮在縣西南五里宋初置西溪鹽倉晏殊呂夷簡

范仲淹先後官此仲淹詩云誰謂西溪小西溪出大才



參知兩丞相曾任此中來蓋指晏呂二公也明洪武元

年置巡司於此今改巡司為縣丞同詩上高會憐羈旅歡

場向釣磯海邊逢妓少醉裏任春歸歌罷微香發詩成

一鶯飛眼中童與冠愛雨更忘機游人無僻壤勝槩

不須多草色碧如此曲聲清柰何老年惜環珮醒眼畏干戈明月前溪滿歸舟緩緩過

時堰鎮在縣西南四十里同

秦潼鎮即秦潼村在縣西南六十五里興化志云米紹

興初張榮賈虎孟威鄭握糾率山東義兵由梁山與金

人轉戰至承楚邀敵於秦潼村即此東臺縣志稟國朝張楷詩秦潼

今有年鄰里富鵝鴨依人野雀故飛飛戲藻河魚羣喋

老農飽飯慵復漁閒看兒童為織蒲秋社醉歸人影

亂短褐不肯朝衣換向晚賈船銜尾來林表煙

濃百家爨頗憐辛苦柴荆婦夜選新杭釀春酒

青蒲角在縣西南六十里勢橢而修如一角然居運

河之中水分三汊故名同詩上然菰葑逃亾皆出常即在此

茅山鎮在縣西七十里西南接秦州界鎮有茅山故名

同

案晉書毛璩傳放火

然菰葑逃亾皆出常即在此

案晉書毛璩傳放火

然菰葑逃亾皆出常即在此



重修揚州府志卷之十六

津梁志

江都縣

楊子津	在府城南十五里即楊子橋一名楊子渡又名
關北路	遙林藏初過雨風退欲歸潮江火明沙岸津望
凝浦橋	客衣今日薄寒氣近來饒江風白浪起愁殺渡
京口詩	又宿楊子津寄劉處士詩所思在夢寐欲往大
頭人夕	望京口烟波愁我吟心馳錫罷郡姑蘓北歸
江深日	少微隱星霜勞夜吟朝賦北征歸心遊寺過岸
林不見	津詩幾度悲南國今朝賦北征歸心遊寺過岸
渡楊子	輕海潤石門小城高粉堞明金山舊將軍之馬
聽鐘聲	元薩都刺同友人楊子津送客且列葛仙飲之
駿且雄	葛仙騎之如游龍金陵之酒香且列葛仙飲之
豪興發	馬上送客已渡回首江南北人
春主人	上馬客已渡回首江南北人

重修揚州府志

卷之十六

一



門東白馬廟渡在南門外井巷口渡在通濟門外趙公渡在浮橋東

楊家渡在運河瓜洲渡瓜洲渡在府南四十五里瓜洲渡在江面濶二十里

暴風起瓜洲渡觀浪詩晚至瓜洲渡繫舟泊西灣日蘇

憑氣勢非一端大寒呼嗟至柔物威壯不可干外山雖有神龍

轍跡馬足酸居朝好安逸重祿多憂患爭得清靜交共

天壤問因知古聖人立法萬世安濟川作舟梁鑄鼎窮

難凶邪得逞志物命遭摧殘視此後來漸破壤所向行路

津渡外一日東生風波不憚西二十四橋隋置在府舊城

四橋併以城門坊市為名自韓令坤省築州城分佈

沈括補筆談云揚州在唐時最為富盛善城不可得而考

東正當帥牙南門有下馬橋又東作坊橋橋東河轉向

南有洗馬橋次南橋又南河師橋周家橋小市橋廣濟

橋新開明橋顧家橋通明橋北河東出有參佐橋次

東水門東出有山光橋又自衙門下馬橋直南有北三

皆在府城西門外九橋不通船不在二十四橋不可得

而考補筆談人所載何歷案方輿勝覽既云存廢不可得

宮女二舊聞互吹簫橋上因名則所謂唐二十四橋者止

隱橋矣迢迢秋盡江南草木凋揚二十四橋詩雲山人

何處吹簫又考張喬有寄惟揚二十四橋詩月夜玉人

相逢處城鏢東風故云五橋今莫知其處或曰其人

名二四橋最好擣衣橋似擣衣亦二四橋之詩云然補

又無之載萬歲橋唐李益揚州送客詩南行直入邨

羣萬歲橋邊一送君聞道望萬里橋補之詩皂角邨南

鄉聽不得梅花暗落嶺頭雲

卷之十一

津梁

二



三起如牛角知是隋家萬里橋義濟橋在南門內明張

雨之餘橋現太極圖形及鰕影里人惠民橋在南門外

異之橋西碑亭明侍郎葉相記鈔關浮橋在挹江門外

澳河橋在稅課蔣家橋在左衛

判楊玘建儲確記略曰揚州府鈔關舊無浮橋宏治通

庚戌楊通判玘署征事始創之公私以為便議者以為

關利博而事殷非京官鮮克勝任於是南京戶部移主

苟完一人往莅之主事者非久任關梁如傳舍或頽敗

正德辛未春陳主事德階來視橋益壞喟然曰關與梁

相須於此不亟治廢將愈甚詢諸父老咸曰然迺鳩

庀材於水抵隄為梁者四梁四舟於其間凡長若干尺

廣半作坊於右榜曰通濟樹碑於左築一亭焉經始

年三月丁巳訖工五月戊寅甫三閱月而告成腐者

撓者直車徒以通開闔以固欄承楯筵翬飛翼舒揚人

壯哉廣陵圖志復增此橋矣是宜有記使來泰徵於子

確聞之杠梁陂澤皆先王政之所不遺時儆諸民故其而

教曰兩畢而除道水涸而成梁單襄公過陳火觀矣而其

川無舟梁歎其教廢而亡國鄭子產聽政以其車濟人於

於溱洧君子惜其惠而不知為政特舉夏令以詔諸人蓋

先也若德階者此顧世之庸俗吏弗以為便益

明正德十五年永豐橋在徐寧

主事趙錦建響水橋古渡橋針

橋門俱在南石馬橋新河邊二里橋涼城南清

東三會口明正霍家橋命港東長南

俱在城東二里官河東岸明正統九年義民沈鼎高家

造漕河通志改南名沙河河口甌橋北名月河甌橋高家

橋在城東十里李墅河大橋芒稻河十

十里今為獐兒橋在城東北十五里灣頭鎮南北

大橋鎮楊子橋在城南十五里即楊子

龍橋在城南三里跨舊楊子橋在城南十五里即楊子

州大江本與楊子橋為對岸瓜洲乃江中一渚耳潮水昔

昔通揚州城中唐李頎詩鸕鷀山頂片雲晴揚州城裏三

長壽寺志



見潮生大麻後潮始不通今瓜洲與楊子橋相連自揚  
子距江三十里瓜洲以插為限雖楊子橋潮亦不通矣  
眠細數經行日笑隔東風又一年  
京峴雲霞曙蕪城草木凋秋風渡寥廓海上金焦五  
雁盡瓜洲樹人逢楊子橋鄉關吳楚隔何處問歸朝  
里橋在城西五里通江橋在瓜洲鎮東西跨新橋在瓜  
南北跨官河明洪武三白梢橋在瓜洲白梢門外明景  
造年社長陸子成等造西板梁在南門外東板梁在運  
岸俱明洪武三年揚橫梁在廣陵驛南東西跨運河舊  
州衛指揮馬於開造為拖板橋久廢今則渡船以  
來往舊梁在瓜洲鎮南北跨運河舊名通驛橋今圯

甘泉縣

東津在大東門外通泰渡在大東門外東水關下舊有淨梁  
東津門外東關渡在東門外東水關下舊有淨梁

復田家港渡東關渡俱在利津河陳公渡在便益門外  
府陳宏謀設高公渡在便益門外黃金壩官河安樂渡  
里人名之高江渡在僧道橋北七里野溝灣之南東即邵伯露筋大湖諸  
在僧道橋北七里野溝灣之南東即邵伯露筋大湖諸  
船西接高郵宋橋向無渡康熙十四年諸生李敦揚置  
渡僧田高江渡在僧道橋北七里野溝灣之南東即邵伯露筋大湖諸  
伯鎮河西康熙三十八年知府金鎮設潘家古渡在  
後廢雍正四年里人潘鴻重造普濟渡在邵伯鎮城隍  
年知府高開明橋在府治東北大街東西跨市河俗呼  
士鑰設開明橋在府治東北大街東西跨市河俗呼  
之門橋在東門因紘之外有八極東方曰東極之山開明  
花市盛文津橋在府學東首跨市河明宏治九年同知  
於一州文津橋在府學東首跨市河明宏治九年同知  
建文昌樓於其上元至明儲懽揚州府學文津橋記日揚  
之學肇於宋仍於元至明儲懽揚州府學文津橋記日揚  
與惟是東西行者出八委巷狹隘無以稱宏治已未春  
教授李師文諸生葉如樂百餘人白其事於御史劉君



甕遂委諸同知葉君元爰貨氓廬橋諸水以屬於通途  
 甫傷工知府許君節至日當遠大圖迺石為梁為  
 翼而輒覆之東西時以桓表元大書日文津又明年御  
 史馮允中巡莅兩淮時藻絢其表且屬囀志歲月於石  
 無何王公恩擢自臺察殿守此邦訖其緒餘而橋遂成  
 蓋皇有四極迄今百有餘年右文興學古莫與侔雖荒  
 甌遐壤學宮備具揚為江淮一都會冠蓋之盛舟車之  
 衝謁廟詣學之使恒相望也而道隘弗治顧漫焉莫加  
 之意雖非吾道隆污所繫然郡望之重民志之同豈非  
 有理有不當然者迺今始協羣議更眾力規而稱之豈  
 有待然與天下之事恒狙乎舊而難即乎新蓋如此  
 於是成有警焉夫築室聚土而詔之者凡以學焉耳  
 也途也橋也其用也昔途與橋之未備也亦何病於學  
 然人視之有歉然不自克者必既備焉乃已士學於茲  
 苟體有斯途於斯者可以釋吾思而與起矣稽之郡志揚  
 橋多矣其間者惟昔人觀遊題詠所及而已今求其處  
 又往往頽沒不可以盡識何哉橋固因人而重也揚故  
 文獻之國也異時體用之士羣然出其間蓄道德於躬

昭功德於時則人將不日橋之助哉若然豈惟斯橋得  
 微寵以聞凡與茲役者與有耀焉而不腆之文或得附  
 題詠者之後即諸橋之勝皆莫得與之倫矣或謂橋  
 之建初以堪輿家之說夫崇聖學隆教基進諸生於道  
 乃良牧守名御史之意也奚取於是通泗橋在府治東  
 哉矚故略之刻所宜言者為之記是通泗橋在府治東  
 西跨市河明洪武七年止馬橋在利津門內大街相傳  
 揚州衛指揮馬於開造止馬橋在利津門內大街相傳  
 下馬故名橋洗馬橋在新城宛虹橋在城南彌勒巷橋新  
 呼臣止馬橋洗馬橋在新城宛虹橋在城南彌勒巷橋新  
 城皮市轅門橋南首法海橋在法海寺前明嘉靖江  
 街東轅門橋南首法海橋在法海寺前明嘉靖江  
 家橋在便益太平橋在縣西南大街西跨市河夾剪橋在  
 新橋在縣西南大街西跨市河夾剪橋在縣西南大街  
 河吊橋一在大東門外一在天寧門外永寧橋在東水  
 跨運河即通阿師橋今北周家橋今北五里橋在城西  
 泰渡也久廢阿師橋今北周家橋今北五里橋在城西  
 重修易州府志 卷之十七 津梁 五



小雙橋在西門外張廷輔橋在西通運橋在北倉官上

方橋在城東北五里明正統三年僧如珞月明橋在禪

前今廢唐張祐詩十里長街市井連月明橋上看神

仙人生只合揚州死禪智山光好墓田明高爐詩何

處月明橋花宮對浦潮卽葉公橋在北門外葉侍郎墓

今明月一夜時有客吹簫卽葉公橋在北門外葉侍郎墓

掘得玉一片上有葉相別橋在城西七里清平橋在樓

公橋三字蓋前定云相別橋在城西七里清平橋在樓

前明成化七年迎恩橋在北門外一里俗呼迎門橋歲

指揮陳昱造迎恩橋在北門外一里俗呼迎門橋歲

造小市橋在北水關外一名宵市橋相傳湯帝於此開

隋家遺蹟寶城傍河橋尚憶紅橋在北門外一名虹橋

繁華夜小市春燈煮百羊紅橋在北門外一名虹橋

酒帘掩映為郡城勝遊地一曲水朝朝王士禎詩舟入紅

橋路垂楊面面孤風銷魂一曲水朝朝王士禎詩舟入紅

迎新秋素舸自孤風銷魂一曲水朝朝王士禎詩舟入紅

詩柳暗長橋覆酒家采蓮歌起日初斜轉思十載天中

路風雨南湖發藕花彭桂泛舟紅橋詩綠陰深處隱

垂霞知是紅橋隔水斜前路權歌等不見自拏雙漿撥

荷花新酒榭綠水舊亭集詩出郭人俱遠招攜近水

隈紅橋新酒榭綠水舊亭集詩出郭人俱遠招攜近水

更無霜雪裏留興問寒梅汪楫暮秋紅葉女牆邊古渡

過紅橋在登臨意然白楊官路外黃葉紅橋野望詩雨

嘶騎馬西風冷畫船酒旂知容到飛出曲欄前史申

義詩紅橋無幾曲秋水城隅長葉已離披芙蓉正堪

賞安得攜童深畫槳非同洛濱戲影久俯仰雅

頗聞俗障湖葦清流廣水自成羣蝥蟻見三兩秋蟬

遊無柳情勝地發想鳧各當著屐幾兩車袁于

鳴浣溪紗詞郭外紅橋未知此生間當著屐幾兩車袁于

令浣溪紗詞郭外紅橋未知此生間當著屐幾兩車袁于

隱隱小窗紗詞郭外紅橋未知此生間當著屐幾兩車袁于

花開遍舊時花曲水已無黃篾舫夕陽何處流荷

平山堂上古今愁翻水調涼州六月更欲放船何處去

不如歌笑十三樓槐子橋在城北十二更欲放船何處去

槐子橋在城北十二更欲放船何處去

槐子橋在城北十二更欲放船何處去

槐子橋在城北十二更欲放船何處去

槐子橋在城北十二更欲放船何處去

槐子橋在城北十二更欲放船何處去



家橋 在僧道橋西北二十里 老壩橋 在黃河黃珏橋 在黃河

嘉靖志作 高家橋 在黃珏橋東明高 火燒橋 在黃子湖

黃角橋 忠節公邦佐造 便橋 在大 月明橋 在山光

邑紳阮承信修 上官橋 在官鎮 寶公橋 在邵伯鎮南明永

通湖橋 在邵伯鎮東通朱家 美棠橋 在邵伯鎮西今圯 石橋

康熙三十八年洪水決隄橋毀 美棠橋 在邵伯鎮西今圯 石橋

寺僧了愚募築長隄建橋隄上 美棠橋 在邵伯鎮西今圯 石橋

在美棠橋北首東西跨 惠政橋 在邵伯鎮西今圯 石橋

官河古名虹霓橋今廢 惠政橋 在邵伯鎮西今圯 石橋

隱棠橋 在邵伯鎮梵行 七截橋 在梵行寺西

儀徵縣 東津 在縣東南縣志 新巷口渡 嘉靖志云 廠前渡 在縣

瓦廟渡 在縣東 新城渡 在縣東 樸樹灣渡 在縣東 石

人頭渡 在縣東 潮插渡 姜家嘴渡 關帝廟前渡

三壇廟渡 俱在 滁河口渡 在縣南 花園渡 在縣西十里

花園 建安渡 在縣西南 宋史建隆元年淮南節度使

渡 習戰艦於鑿江口南唐臣杜著偽作商人同薛 黃泥灘

良由建安渡來奔獻平南策帝疾其不忠誅之 黃泥灘

橋 即鼓樓橋在縣東南明 通縣橋 在縣治南嘉慶三年

重紅橋 在縣治東南明 八字橋 倉前一在沙廟前一在縣

地也 廣惠橋 即今倉橋明知 單家橋 在尚書單安 珍

珠橋 在鼓西長生橋 在珍珠 澄江橋 即天 倉巷橋 在倉內 永

緣橋 在儒學後 狀元橋 在洋池東 都府橋 在東門內又名

重修揚州府志 卷之十七 津梁 七



十六年邑人程元關帝廟橋在東門內乾隆三十

基等更建坊表關帝廟橋在東門內乾隆三十

橋在東水關內通市河康熙間知縣袁西門橋在西門

城斯恭造嘉慶四年縣丞申淑洋增高西門橋在西門

橋行人便之東西高橋在新城明主便商橋在南門

俗名小牖橋在東關明邑清江橋在南水關外馬驛街

玉帶河宏濟橋在馬驛街西嘉慶三年仁壽橋在南門

重造宏濟橋在馬驛街西嘉慶三年仁壽橋在南門

隆三十四九龍橋在城外關帝廟前乾都會橋在關帝

年西乾隆五十九年彩虹橋在九龍橋西乾隆田家橋

鹽運司會煥重造彩虹橋在九龍橋西乾隆田家橋

橋在彩虹麻石橋在田家橋西北鑰永濟橋一在新城東

明邑民柳瓚玠造一在鹽所後通四壩五雞鶩橋在新

壩明萬麻中邑人馬必通等造後易石雞鶩橋在新

北金家大橋在新廣興橋在二飛虹橋在三聚寶橋在

泥灘運河邊乾隆五十廣濟橋在蓮花堰東邑濟民橋

五年邑人張能烈等造廣濟橋在蓮花堰東邑濟民橋

在羅泗橋即通江橋明成化丁未主事夏英重修記

云儀真縣治東南隅五里舊有橋曰羅泗有港抵漕河

港兩岸多民田以湖灌潮以橋入成化壬辰郎中郭

昇建議廢橋置牖名曰通江牖比因權貴不顧潮水盈

縮舟一牖牖輒欲開放遂使水利走泄而軍士困於漕

運啟閉不時而民困於旱曠少司空杜公奉命理河

訪知其弊遂堅築以土雖可以禦權貴之勢而潮汝不

通民田愈困丙午春予以部牒來主分司不數日民有

包泮者率數十人告請開牖通湖以濟田辭甚切予遂

躬詣其地為之區畫計出多寡以出費擇其中公勤者

掌其事子則稽其成功於是去其所築之土以通潮潮

通則有灌溉之益矣牖上置板而樹以亭亭樹則人無

擅開之念矣始加工於夏畢工於冬因其橋有利於民名

曰濟民橋橋成加以綵繒設坐枋於左右而往來憩息

後人或其觀其有利於民而時

坡橋在縣東南十里明何

立碑之請予曰碑為某立則非也

若欲記橋之所自俾

者亦得自便是年大旱而有秋

明又如其橋之濬等屢有

修之則可僉曰善遂聽之

津梁



家港石橋

在縣東南三十里初為土橋明嘉靖中邑人陳貴勦為石砥北通雙榆官道南為瓜洲京口通途趙鶴記曰何家港由江沱北入東西醜為渠者數十溉田殆千餘頃其界儀真瓜洲之境舊有三橋此則田港下者度土為之號土橋輒傲於霖潦至是泰興陳君貴寓田於縣始捐資為石而後負者徒者與與輓騎與牽者皆脫汗涖請記於子嘗求有周井牧之道匠人辨遂溝洫滄川之五溝於其上徑吟徐道路之五涂司險知川澤之阻而橋梁之達其往來一夫之域治遂徑九夫之井治滿畛百夫之成治洫涂千夫之同治漕道合四都六十四成之萬夫治川界凡為疆理為任梁官程其工眾傳其力工愈巨傳愈眾役無遠勞無專出此其法意為最善今所謂港即古之滄川今所謂渠即古之溝洫乃田不及古者導激潤灌之利同而謂鑿疏瀨之工異也以故潦則沮洳為場曠則莽焉赤地而蕩析述亡無寧歲矣誠使效周人傳力通功之制適溝防瀦瀉之宜無歲矣誠使效周人傳力通功之制雖地不必井授封不必界均而為利奚啻砥橋哉禹貢品揚田為下賦或出七等之上以人力修也問陳君勤篤植家力田異於他人是宜其能濟茲役也

江橋

在縣東十里舊江口乾隆三十七年邑人程元璽等造

太平橋

在縣東北十里明尚書單安仁造

旋鳳橋

在縣東北十里明

毛家橋

在縣東北十里明

清水橋

在縣東北十里明

鳳凰橋

在縣東北十里明

有誠橋

在縣西十四年邑人賈家營乾隆四

新濟橋

在縣西五里隆慶

胥浦橋

在縣西十里明

萬年橋

在縣西十里明

毛家橋

在縣西十五里明

鳳凰橋

在縣西十四年邑人賈家營乾隆四

有誠橋

在縣西十四年邑人賈家營乾隆四

新濟橋

在縣西五里隆慶

胥浦橋

在縣西十里明

萬年橋

在縣西十里明

夏易守志

卷之十一

津梁

八



者曰胥浦舊傳伍員去楚奔吳臨津解劍往蹟云浦上源三十里出銅山其經流之處壑壑湍急迅走勢若建領至甘露鄉則橫而為浦水深潤限絕兩崖又十里南入於江越絕書稱蘆中碕等為津渡此也初以小艇束薪或橫不以濟洪武中邑侯謝君文隆始置木橋少濟一時邑世族張承業暨弟承教慨然捐貲購材贊石為石梁維時洞設十門者三凡深三十五尺跨者如虹規者如壁礎者如磐平者如砥車徒重任躋諸衽席矣

**陳寶橋** 在縣西四十里

**龍門橋** 在縣西南十里新河口禮造 姜采記略曰新河口水發源於銅山迤邐二十里為胥浦眾水滙入南行五里為新河口孔道也初以舟通往來往返輒有需待若與馬猥至日不能容強寄頓焉水汎濫每至覆溺歲乙卯東川王公以行部至議為建橋旋以入覲事中輟邑人支從禮嘗為浙藩知印處下位而留心當時言於縣印簿以募然少應者乃鬻田一區以充事起於庚午訖癸酉橋始成蓋嘗論之古者橋梁之立屬於王政雨畢而除道水涸而成梁其事著為令蓋其時所令於民者資其力不費其財今則出稅差值強半入京邊無復餘力以無餘之力舉難成之功非得賢人君子存心博濟者鮮克舉之時不

**北山橋** 在縣北一里宋郡守之有功於是為不少矣

**拖板橋** 行春橋 壽彭橋 玉井橋 駐泊橋

吳幾易石以板今廢 上下雙橋 沙岡東

俱古今廢

### 高郵州

**南門渡** 在南門外一里

**西門渡** 在西門外通

**傅公渡** 在北門外

**車邏渡** 在州南

**馬家渡** 在北水關北知州

**張公渡** 在州西南四十里向為里人張陽等置康熙

**柏家渡** 在州西南

**閔家橋** 義渡 在平阿

**官溝** 在陸漫

**迎仙橋** 今南市橋在

**望仙橋** 今中市橋

**安定橋** 在州治西南

**通仙橋** 今北市橋俗名高

**義渡** 在陸漫

**張家渡** 在州治西北

**安渡** 在州治西南

**通仙橋** 公橋在州治西北



通濟橋 在安定橋北舊名北長安橋 在州治南澄清橋 在州

察院旁俗躍龍橋 在儒學前鳳凰橋 在州治西長生橋 在州

俗名太蝦蟆橋 在行府南倉橋 在預備北倉橋 在北

監橋 今稅務橋 在北稅課景家橋 在稅務響水橋 在左

觀橋 今稅務橋 在北稅課景家橋 在稅務響水橋 在左

丙昇仙橋 在鍊搭溝橋 在真武普濟橋 在張官鞠家橋 在

東廟橋 在東嶽張官橋 在廟西邱家橋 在張官夏家橋 在

壩巷口東一徐家橋 廢通湖橋 在運河俱新濟橋 在

三里橋 俱在通談家橋 在三里橋東落仙橋 在東門外

傅公橋 在東門外傅公隄乾王家橋 在州西孫多寶樓

橋 在北門外東臺巷口旁有新橋 在多寶富勝橋 在新

公濟橋 在富勝太平橋 在北門外舊名蛤蜊壩 在

洋綽鰕橋 在北門外石橋 在北門外豐樂橋 在州東

高橋 在州東四萬緣橋 在州東五仁義橋 在三梁鎮口流

津橋 在三梁鎮廣遠橋 在州東香溝橋 在州東周省橋

在州東南三星汪橋 在州東南十五里灣橋 舊志云每

歲除夜有仙人作左絞稻草繩繫於橋樁灣子橋 在州

上籬之高下次年之水必如之不爽分寸磚橋 在州南

里八字橋 在州東南五里都倉橋 在州南二十陳家橋

七里高家橋 在州西南十都倉橋 在州南二十陳家橋

在七里湖西王夾溝橋 在州西南十五里馬橋 在州西南二張

琴江靜二郵界吳家橋 在州西南三十宋家橋

更生橋 在州西南三十宋家橋

在州西南三十宋家橋

在州西南三十宋家橋

在州西南三十宋家橋

在州西南三十宋家橋

在州西南三十宋家橋



在州西南四十里 **殷家河橋** 在州西南七十里 **王家大橋** 在州西三十里

西 **陸家橋** 在州西北四十里 **雞鳴墩橋** 在州西北四十里 **楊橫**

**蕩橋** 在州西北四十里 **閔家橋** 在州西北四十里 **趙志橋**

在平阿東郵 **馬寬新舊二橋** 在州北三十里 **王家大橋** 在

民趙志造 **飛虹橋** 在山洋河 **萬安橋** 在臨澤鎮

興化縣

**龍舌津** 在縣東門外 **南津** 在縣南關外 明凌登瀛南津詩

且連新條亦欣長 曉拂元都氣 暮挹瑤池沉 撫茲 **鹽務**

秀媚辰令人起 遐想華胥如可遊 鳴琴足 偃仰 **橋** 在字橋里一名高

**中和橋** 在字橋里一名高 **永福橋** 在太平里一 **太平橋** 在儲

北中和永福兩橋跨 **崇儒橋** 在文林里一名崇 **洧水**

興三年知縣吳莘造 **崇儒橋** 在文林里一名崇 **洧水**

橋 在文林里西大街 **少府橋** 在迎恩里即 **羅漢橋** 在昇

寶嚴寺前西接內隍水 **毓英橋** 在毓英里一名毓 **廣福**

南分一支入昇仙蕩 **讀書橋** 在通利里即北門高 **富安橋**

橋 在通利里即東寺橋水 **讀書橋** 在通利里即北門高 **富安橋**

於 **富安橋** 在通濟里北門大 **玉帶橋** 在中營二鋪與富

此 **富安橋** 街明知縣傅珮造 **玉帶橋** 安橋東西相望 **毓水**

珮鑿玉帶 **崇武橋** 在西營一鋪一名馬橋水自惠 **毓水**

河造此 **崇武橋** 政支而北經此出西關今湮 **毓水**

橋 **宣武橋** 俱在西營二 **南津橋** 卽南 **濟民橋** 卽北

縣李叔 **左家橋** 在陽 **通文橋** 在百花園上為 **萬善橋** 在

正造 **左家橋** 山陵溪久廢 **豐樂橋** 在縣西河

勝湖龍珠禪院 **濟川橋** 在縣西跨海 **豐樂橋** 在縣西河

前僧人森鑑造 **濟川橋** 在縣西跨海 **豐樂橋** 在縣西河

郵分 **土橋** 在縣北十八里 **明侍郎楊果** 記云興化縣



官坊中蓋宋所謂紹興堰而今之劉隄者也其在土為  
南北陸走之會下為灌溝以東諸水之所趨旱則塞其  
下流以防走洩以資灌溉水則決而瀉之以殺奔潰之  
勢舟楫之東西行又多問津於是一舉而三利具作者  
之功不可誣也顧謂圯廢既久漫無蹤蹟幸其石之獨  
存予以先大夫墓在其左因而田廬其右歲時往來雅  
意修復而力未之逮嘉靖改元適春旱予時得告家居  
既贊邑侯以修前堰因思復茲橋屬鮑氏左右之與百  
年之廢於旬日間所謂三利者得以次第而舉顧壩之  
去橋不數武洄流吞囓上下環壩多無賴子肆為需求  
三利復而二害萌竊又病之明年春迄夏復大旱乃聞  
之官而事改築焉於是名姚子望者為西壩一羅家港  
渭罔子者為北壩二壩之中堅如甃封之上平如砥杙  
之外比如櫛也又浚橋之上下流於椒梁達於西壩長  
千仞有奇水之淵者淤如坊之卑者屹如舟膠者沛如  
也於是利無漏孔害無伏機雖不敢遠擬作者之功疇  
昔之願亦得以少副矣予惟水之利害博矣豈特一橋  
興廢為然推之一邑得勝以下之諸湖可插也賈莊以  
下之諸礎可修也車路新溝山子之諸河可隄可堰可  
壩可插也水利興則年穀登則民生足而國賦

### 寶應縣

充此實仁政之先民生之急庸情顧忽焉而不加之意  
亦獨何哉顧子微力其及幾何但觀橋之興廢不能不  
重有感也於良有司之鳳凰橋在縣北四十里長安鄉  
方來又能不重有望乎鳳凰橋明王暄詩風動湖濤  
浪拍舟迤邐行過古溝頭煙花漫漫孤村晚蘆葉蕭蕭  
兩岸秋龍虎迹迷詩尚在鳳凰橋斷水東流悠然野寺  
深林裏曾記當年訪舊遊

**白田渡** 在南門渡  
**三三渡** 在縣北  
**白馬渡** 在白馬湖邊  
**黃浦渡** 在黃浦鎮  
**槐樓渡** 在槐樓鎮  
**黎城渡** 在黎城鎮  
**五里涇渡** 在黎城南  
**家渡** 在縣西  
**晏邨渡** 在縣西南  
**嘉定橋** 在縣東跨市河  
志云唐尉遲恭造宋嘉定間改名明崇禎四  
年隄決傾頽十一年知縣劉達重修俗呼縣橋  
嘉靖志云在縣南二  
白步儒學西今廢  
**愛蓮橋** 在儒學西  
**板橋** 在儒學東南  
**三思橋** 在儒學東南



北跨通水渠 **忠佑橋** 在縣東南明嘉靖四年重造 **迎仙橋** 嘉靖志云在縣東北寧國寺東

今廢 **瑞芝橋** 在東門內宋元豐三年故水門橋 嘉靖志云在縣北東西跨市河 **齊壽**

俱在 **倉橋** 在西門內 **水門橋** 嘉靖志云在縣北東西跨市河 **張仙廟橋** 在張仙廟左 **玉虹**

橋 雍正志云見 **嶽神橋** 在東嶽廟南 **張仙廟橋** 在張仙廟左 **玉虹**

橋 萬曆縣志云在 **便民橋** 在東門外 **惠政橋** 嘉靖志云在南門外渡口巷南

俗呼 **孝仙橋** 在縣北見名勝志 **通海橋** 門外邑厲壇西

**鐵橋** 在邑厲壇東 **廣濟橋** 嘉靖志云在邑厲壇西明 **五**

**里橋** 在汜光 **汜光橋** 嘉靖志云在汜光湖 **智者橋** 在汜水鎮農夫

侍讀 **喬萊題今名** **老和尚橋** 在七溝 **潘家大橋** 在瓦扛

橋 在界 **減水橋** 嘉靖志云在官河隄上二十 **白馬橋**

嘉靖志云在白馬湖口 **秦州**

**王家渡** 在州西 **沈家渡** 在州西 **新城渡** 在州北 **豐利橋**

南水門內市河第一 **登仙橋** 在市河第二 **橋** 宋乾道元年

子城西南 **明劉萬春詩昔聞蓬閣客白晝此昇天壇**

靜苔仍合鑪空火欲然乘魚何處去化鶴幾時旋且向

橋頭醉方 **樂真橋** 一名樂仙市河第三 **橋** 宋 **嘉定橋** 紹

知蜀酒賢 **樂真橋** 一名樂仙市河第三 **橋** 宋 **嘉定橋** 紹

興十年州守王 **樂真橋** 一名樂仙市河第三 **橋** 宋 **嘉定橋** 紹

中橋嘉定七年修以年號為名今俗名 **人字橋** **太平**

橋 一名稅務市河第四 **橋** 宋 **熙熙** **太和橋** 在州熙樓南舊名 **州橋** 宋

市河第五 **橋** 宋 **熙熙** **太和橋** 在州熙樓南舊名 **州橋** 宋

十一年州守 **萬鍾** **太和橋** 在州熙樓南舊名 **州橋** 宋

**二小橋** 在州堂後藕花洲中 **雨飛鵲波** 上二長虹偃蹇

好平橋西與東烟中 **雨飛鵲波** 上二長虹偃蹇

重修揚州府志 卷之十一 津梁



形相照浸淫路盡通曉  
來吟詠處徧歷思無窮  
通仙橋朱建炎中廢  
三塘橋  
常

樂橋俱在迎恩橋州志云在南門內天寧橋在州西

東宋嘉定十三年州守李駿建寺舊名天寧故名  
凌儒詩百尺臨淮秀邢流自竹西水深龍卧穩松暝鶴

飛低梵宇鄰鐘磬轅門接鼓伏龍橋在州西南舊傳宋

至泰州避難橋下太祖禱往來迷遂名今僅存片石  
岳詩十勝街前事君王勇未消空餘一片石猶記伏龍

橋經武橋在州西南宋嘉定十三年州迎淮橋在州北

名且金蘭橋在太子港舊傳梁昭明迎春橋在州城東

樂橋在太子港舊傳梁昭明迎春橋在州城東

林濟川橋在州南跨南官河為如皋通州孔道明正統

即今通川橋在州西南明嘉靖寶帶橋在州西南明萬

高橋在州西南明嘉靖寶帶橋在州西南明萬

募大通橋在東便民橋在東廣運橋在西

中里人朱旻改為石橋廣濟橋在魚行市明成化

置石欄二座即今新橋廣濟橋十五年劉敬造永興

橋在西清化橋在州東三里明永樂三年蓋湯橋在州

里相傳宋太祖兵至泰州民有演化橋在州東四里明

獻蓋湯者啜而甘之遂以名橋演化橋景泰三年里人

張進南斜橋在州東北通五北斜橋在州東北通沈

夏家橋在州南招賢橋在州西北四花花橋在海甄橋

在海安鎮東一名牙橋明巡鹽御史康

不揚造南通官河北通十鹽場運河

東臺縣

馬家渡在縣治南一百六十南牖渡在縣治北十八

暉橋在東潘家橋在東門內玉帶橋在南嚴家橋在

門內市馬公橋在西門內市中望海橋在東門外包垣



萬曆十四年商二竈橋在縣治東三竈橋在縣治南七

人金萬易板橋在縣治西丁公橋在縣治西門便民橋

新竈一在縣治西門外又名新橋一在富安便倉東太平

橋一在縣治西門外一在時堰鎮一在秦潼鎮嘉青墩

石橋在縣治西海道橋在縣治西北海道橋為橋鹽艘

至此則東洋橋西洋橋俱在縣治北竈河上葦灣橋在何梁廣

濟橋一在何梁瓜場側一字橋彭家橋安樂橋俱在何梁

北關橋在何梁場市東紅橋西紅橋俱在何梁鳳昇

橋在西溪鎮相傳天女與通聖橋俗呼廟橋義鄉橋在西

溪鎮亦因董博真橋在西溪鎮北二女橋在北海團利

濟橋一在秦潼鎮乾隆三年改石橋環翠橋在梁梁夾

躍龍橋竈民顧整造薛家橋甄石橋新橋俱在梁

順治間徐鳴謙重建康橋新楊橋俱在梁場北一名濟世橋嘉

上轉水石橋在梁場北一名濟世橋嘉東清橋永

康橋新楊橋俱在梁場北一名濟世橋嘉東清橋永

俱在梁場北一名濟世橋嘉東清橋永

家橋明傳本魯家橋明魯繼周家橋明周自王家橋明

嘉令通倉橋大使張雄造以上七永興橋萬家橋

廟橋東寺橋東盛橋牛橋賈家橋下竈

河橋湯港橋西寺橋一名進寺橋明吳一誠造以

三思橋在崇寧觀通遠橋在富安場一名廟橋義新彝

東市河上

民崔堯林易板為甄

新彝

新彝



橋舊名板橋進賢橋一名富安場街中上團橋在富安市中南洋橋俱在富安

東北洋橋在富安五竈賁家橋在富安河內九齡橋在富安西倉

橋中倉橋俱在富安東倉橋在市北九竈橋在富安中正橋在富安

在餅茶場鹽河邑人通利橋在餅茶場市中南橋在餅茶

福緣橋在餅茶場鹽港龍王廟橋在餅茶場紅橋在餅茶

寺前在餅茶場十里橋在餅茶場通濟橋一名在餅茶場壽聖寺前

龍津橋俱在餅茶場王家橋在餅茶場南乾隆八沿港口橋

唐家洋橋俱在餅茶場老鶴嘴橋在餅茶場大寧橋俱在餅茶

舊場在餅茶場許陵鎮橋俱在許陵鎮野馬口橋在許陵鎮普渡橋在許陵鎮

造場在許陵鎮通便橋俱在富復興橋在富紅橋在富九里橋在富中橋在富

瀨河在丁溪太平石橋在市勝駕橋在丁溪廣豐橋在丁溪

賢祠前在丁溪紅板橋在丁溪劉福家橋在丁溪木

名慶豐在沈潤澤橋在小海團西東寺橋在小海團龍門橋

橋在沈家竈在草堰場南市永寧橋在草堰場市北橋

中即臥龍橋在草堰場古石梁在安豐水壩在西明

場市在草堰場板橋在西團龍王廟左



揚州府志卷之十七



